

Corte ta dicta cu periodistanan di 24ora no mester rectifica y ta condena Minister Endy Croes na paga gastonan di procedura di Headlines Group



Pagina 4

- Wit Gele Kruis ta bati alarma pa falta di personal pa cuida di hende grandi na nan cas

Pagina 2

- Inyeccion combo di Moderna contra influenza y Covid ta logra resultadonan positivo den ultimo etapa di estudio

Pagina 7

- Minister Rocco Tjon: Tur persona cu a tuma nota di algo of a señala algo cu no ta bay bon den un crèche, por meld


Pagina 3

Hues a dicidi pa laga sospechosonan den caso di maltrato na creche den libertad condicional



Pagina 2

Corte Hulandes ta condena 3 den tiro fatal di Peter R. de Vries



Pagina 9

Republica Dominicana: Situacion precario na scolnan rural di San Francisco de Macoris



Pagina 11

Hues a dicidi pa laga sospechosonan den caso di maltrato na creche den libertad condicional



Ayera tardi mediante un comunicado di prensa Ministerio Publico (OM) a informa cu hues a dicidi pa pone tur dos sospechoso cu tabata den detencion preventivo den e caso di e maltrato na creche, den libertad condicional en-

trante ayera 5or di atardi.

Ta trata aki di e caso cu recientemente a bira viral ariba rednan social na unda a traves di videonan cu tabata cricula por a mira con leidsternan di e creche Pasa Pret Pasa Dushi situa na Wayaca tabata maltra-

ta e muchanan cu ta atende e creche.

E mesun creche aki ya caba tabata den noticia dos aña pasa caba na momento cu un baby di apenar cuater luna a fayece sin splicaicon concreto di kico por a pasa.

Ministerio Publico a sigui indica den su comunicado cu despues di studia e decision di hues, nan a dicidi pa bay den apelacion. No a duna mas detaye.

E comunicado ta menciona tambe cu un di e sospechosonan cu tabata deteni, a wordd entrega mes ora na Warda nos Costa mirando cu e persona aki tabata trahando na e creche en cuestion di forma ilegal.

E caso aki a ricibi hopi atencion y a genera hopi reaccion den pueblo di Aruba. Hopi ciudadano a expresa nan disgusto, nan frustracion y nan tristesa pa mira con muchanan inocente ta sufrir na man di e mesun hendenan cu supuestamente mester eherce nan trabou di cuida y proteha nan.

Den un di e videonan cu a wordo graba na e creche por mira con un leidster ta bañando un mucha chikito, pero ta keda muha e mucha cu slang na su cabes y na su cara, mientras e mucha ta yora y grita.

Den otro video por mira con

e leidster ta sera un mucha den baño mientras e baby ta grita y yora paden, pero e leidster no ta haci nada, y den otro video por mira con e leidster ta laga e babynan chikito keda grita y yora mientras nan ta riba cama y e no ta haci nada.

Apart di e videonan aki, tin un voice note tambe ta circula na unda un leidster ta informando otro persona cu un di e muchanan ta haci hopi mala mucha y no kier keda keto.

“Mi a pone den e stoel bruin, el a baha for di e stoel. Mi a pasa awa riba su cara, mi a pone sinta den e stoel y eyan el a keda, pero mi a pase un slof na su chan chan y eyan el a medio calma,” por scucha e leidster bisa den e voice note.

E decision di hues pa laga e sospechosonan den libertad condicional tambe a ricibi atencion. Ciudadanonan ta disgusta y ta sinti cu un biaha mas e sistema hidicial di Aruba ta faya e muchanan.

Wit Gele Kruis ta bati alarma pa falta di personal pa cuida di hende grandi na nan cas

Wit Gele Kruis ta bati alarma pa falta di personal pa cuida di hende grandi na nan cas

Adulto Mayor ta un topico cu semper ta keda bin dilanti caminda Wit Gele Kruis (WGK) diamars ultimo a presenta su jaarverslag di Wijkzorg pa aña 2023, pa esaki, e director Carlos Goeloe a sigura cu nan e cera aña 2023 cu 31 hende den e lista di spera.

Esaki ta personanan cu nan no por yuda debi cu nan no tin e personal suficiente, segun Goeloe a sigura. El a splica cu na e momentonan aki nan tin 23 persona pa cuida 100.000 hende y cu esey no ta posibel.

Den hopi rapport di gobiernonon anterior a bin dilanti cu WGK mester expande pa haya mas personal pa cuida mas hende na cas, “mi mester bisa si cu minister Ursell Arends aworaki ta bezig cu comisionnan unda kier bin cu pasadia na diferente bario y esey ta algo di aplaudi, pero mester hende pa cuida den



nan cas, e cuida directo pasobra nos grandinan ta birando mas grandi,” el a sigura. Actualmente, tin 26% di e poblacion total di Aruba tin mas cu 60 aña y agrega na e

situacion cu menos babynan ta naciendo nan tin cu traha riba e problematica aki pa loke ta trata falta di personal. Segun Goeloe, e parti mas importante di esaki ta cu tin

hendenan grandi na cas na e momentonan aki cu no ta hayando cuida y cu nan tin mester di e cuida. Tin diferente compania cu ta dedica na ofrece e servicio aki na

Aruba mescos cu WGK “pero ora bo wak e prijsnan, ta astronómico y Aruba a bira hopi caro, ademas nos grandinan nan manera pa cumpra, no t’ey tampoco, nan pension no ta yega.”

Nan ta haya hopi adulto mayor cu ta yega na WGK pa paketenan di cuminda unda WGK ta traha cu tur e partner manera Fundacion Pa Nos Comunidad, pero lo cual nan ta mirando dia pa dia ta birando mas hopi debi cu adultonan mayor nan placa di pension no ta suficiente.

OPPA a menciona e problematica aki tambe den diferente entrevista, sinembargo, WGK tin cu atende e tema aki contratando mas personal “si bo ta duna mi 10 persona aworaki pa cuida, mi por yuda 50 pa 60 persona cu ta na cas, cu no ta e otro 31 cu no ta haya ayudo, pero mi ta kere tin mas afo.” Goeloe a señala.

Cifranan di adulto mayor ta bay sigui crece y mester aloca fondonan den Wijkzorg pa asina ey cuminsa tuma accion pa esaki, Goeloe a finalisa.

Minister Rocco Tjon:

“Tur persona cu a tuma nota di algo of a señalá algo cu no ta bay bon den un crèche, por meld”

Comunidad henter di Aruba a keda den shock ora videonan a bay viral na unda por mira leidster-nan di e creche “Pasa Du-shi Pasa Pret” ta maltrata e mucha- y babynan y te hasta tin un voice note tambe a circula na unda un di e leidster ta indica cu e la dal un mucha cu slof pasobra e ta haci mala mucha.

E caso indignante aki a hala atencion di basta hende incluyendo e minister encarga cu Husticia y Asuntonan Social, Rocco Tjon, ken ayera mainta den un conferencia di prensa a contesta basta pregunta cu a bin dilanti tanto pa su persona como pa Sue-Ann Ras ken ta encarga cu Departamento di Mucha y Hoben (DMH) y a duna informacion pa loke ta trata centronan di cuida di mucha y e ley di Kinderopvang.

Minister Tjon a splica cu nan tabatin conocimiento for di algun siman caba di e imagenan cu a bay viral dos dia pasa e cual ta un hecho condenabel y cu DMH a actua mesora colaborando cu Jeugd Zeden Politie (JZP) caminda detencionnan a tuma luga. “Ta hopi importante pa laga e investigacion cana su caminda y obviamente na final di full e proceso, un hues lo dicidi kico ta e castigo cu lo wordo duna.” Minister Tjon a señalá.

Di mesun manera, el a sigura cu un di e pasonan cu nan a tuma tin relacion cu e incidente aki e cual ta pa percura pa e ley regula e parti di Kinderopvang y e parti di crèche cu a ser trata den Parlamento di Aruba cu tambe a ser aproba, banda di esey a introduci un Departamento di Mucha y Hoben.

“Mi kier ta critico pasobra hopi di esnan cu ta puntra nos pa actua aworaki, juist tabata contra introduccion di e ley aki tambe, mi ta kere cu aworaki nos ta wak su necesidad,” el a bisa.

E importancia di e ley segun el a expresa, ta pa eleva seguridad pa e muchanan y nan kier logra esey a base di diferente angulo caminda e ley aki ta toca tur e diferente criterio cu un crèche mester tene nan mes na dje, como por ehemplo, e parti di infraestructura di higiena, e plan con ta bay guia y educa e muchanan den e parti pedagogico pero tambe



riba e parti di cuanto leidster mester tin den un crèche pa tanto mucha cu nan tin.

Minister Tjon a haci un yamada na tur persona cu a tuma nota di algo of a señalá algo cu no ta bay bon den un crèche pa meld, igualmente cu a ser haci den e caso reciente aki segun ley y teniendo na cuenta cu procedura unda a logra actua mesora.

Pero un di e retonan cu nan ta presenta den e departamento ta tekort di personal unda e minister a sigura cu den añanan dilanti nan lo sigui fortifica e departamento cu mas personal y pa e motibo ey tin un plan extenso cu DMH a traha den colaboracion cu Cuerpo Policial unda Polis di Bario ta asisti nan y ta ehecuta e diferente controlnan.

Den henter e discusion publico aki, a bin dilanti e pregunta di pakico no ta cera e crèche en cuestion of kita su vergunning, pa esaki minister Tjon a splica cu mester compronde cu a base di e ley aki nan a introduci un vergunningenstelsel sinembargo, e minister mes a confirma cu e crèche aki no tabatin un vergunning.

Ta considera cu pa trek un vergunning, esey ta e ultimo paso segun e ley ta bisa. Prome cu yega na e paso ey

e crèche mester a haya diferente multa of den caso cu ta pone e bida di e muchanan den peliger.

Loke minister por haci den caso aki ta pa duna un orden inmediato cu e crèche mester sigui pa kita cierto puntonan cu por causa peliger di inmediato y e orden aki ta valido pa shete dia, e ta a base di un investigacion cu mester tuma luga y un inspectie rapport cu DMH lo skirbi a base di informacion cu ta drenta. Banda di esey tambe e minister por duna un aanwijzing, pero esey ta algo mas structural unda ta brinda e crèche en cuestion, espacio y tempo pa drecha cierto situacionnan cu no ta causa peliger pero si mester remedia esey pa nan por cumpli cu e rekisitonan di e ley.

Di su parti, Sue-Ann Ras di Departamento di Mucha y Hoben a sigura cu pa e ley aki drenta na vigor tabata crucial pa cierto LBHAM tabata na su luga, un di nan tabata e aspecto di keho na unda mester a traha un proceso interno y externo pero tambe con nan ta bay actua na momento cu nan tin e keho, “esaki ta lo cual a tuma luga den caso specifico aki, e kehonan a drenta, pero kehonan no mester drenta via Facebook, nan mester drenta via e de-

partamento.” El a comenta. Ademas, el a enfatisa cu eCodigo di Proteccion t’ey pa centronan di cuida y esey ta nifica cu si e centronan di cuida ta wak cu e muchanan ta negligisha, crèchenan tambe por haci uso diCodigo di Proteccion, nan ta yama e DMH, cana e cinco paso cu mester tuma y si mester meld e mayor, nan tambe lo meld e mayor.

“Esaki no ta e prome crèche y no lo ta e ultimo pero esey ta e trabou cu nos ta bin ta haci tambe pa supervisa, ta sumamente importante pa nos por tin bista y pa nos por tin entrada den e centronan di cuida y esey ta lo cual a inicia diamars ultimo.” Ras a declara.

Casonan di maltrato di mucha ta bin tumando luga for di basta tempo, un di nan tambe cu a causa impacto ta esun di Baby Noah na maart 2022, e tabatin 4 luna na momento cu el a fayece mientras e tabata bao cuida di e mesun crèche di e caso aki.

Pa esaki, Bon Dia Aruba a puntra minister Tjon si nan no ta sinti cu ta falta algo pa loke ta trata e cuida di muchanan den un crèche debi cu e voice note y videonan cu a bay viral tabata muestra y ilustra con e trato pa e babynan di e crèche aki ta-

bata ta y cu no ta “normal” pa un leidster trata un mucha di e forma ey, si tin pensa di implementa testnan psicologico pa esnan cu ta eherce e trabou delicado aki.

Minister Tjon a contesta cu “mi ta compronde e preocupacion tambe, mi ta aplaudi si cu tin hopi speelschool cu ta haci un tremendo trabou, nos no mester lubida e parti aki, ora cu nos mester confronta cu un incidente asina bo ta enfoca mas tanto den e parti ey, e cual mi ta compronde, pero di otro banda tambe nos tin diferente leidster cu tin mas cu 30 aña di experiencia. DMH ta colabora cu e diferente crèche y nos ta enfoca riba tur e diferente aspecto manera infraestructura, pedagogico y inversionnan den personal mes pa por garantisar cu e personanan aki ta apto pa e materia. Pa haya vergunning, e crèchenan no por tin un pasado penal y asina ta tene cuenta cu tur aspecto.”

Tambe, minister a trece dilanti cu for di 1998 e problematica aki a ser señalá den diferente rapport cu ta alerta di e situacion cu por a ser crea si e no por ser regula y cu awor despues di 20 aña e ley aki a ser aproba.

Corte ta dicta cu periodistanan di 24ora no mester rectifica y ta condena minister Endy Croes na paga gastonan di procedura di Headlines Group

Ayera mainta Corte den Prome Instancia di Aruba a dicta su veredicto pa loke ta trata e caso cu minister di Enseñansa y Deporte, Endy Croes, a entama contra Headlines Group, cas editorial di e portal di noticia digital, 24ora.com y e periodistanan Patrick Paskel y Nelson "Speed" Andrade. E veredicto a cay na favor di 24ora.com y pues no mester rectifica declaracionnan haci contra e minister.

Manera a keda publica caba, dia 27 di mei a tuma luga e tratamiento di e caso aki. Minister Croes a entama e caso aki pa motibo cu Headlines Group a publica riba su website 24ora.com articulo nan tocante su persona, ken aworaki ta minister di Enseñansa y Deporte.

Den e articulonan ta bisa cu den tres ocasion a keda estableci cu Croes a ser retira cu rason door di su doño di trabou antiguo pasobra supuestamente el a enrikece su mes y su famia cu e placa di su ex doño di trabou, Fundacion Lotto pa Deporte (FLPD).

Croes ta tuma e posicion cu e afirmacionnan aki no ta corecto y cu e kier pa 24ora publica un rectificacion.

E veredicto ta remarca cu e pregunta cu mester ser contesta ta si e declaracionnan riba 24ora ta ilegal pa Croes den e sentido di articulo 6:162 di e Codigo Civil di Aruba (BW). Den e caso aki tin dos derecho cu ta contra di otro: e derecho di libertad di expresion y e derecho di proteccion di reputacion.

E prome derecho ta proteha



pa articulo 1.12 di e Constitucion di Aruba y articulo 10 di e Convencion Europeo pa Derecho di Ser Humano (EVRM) cu ta relaciona cu e libertad pa tin un opinion y e libertad pa ricibi of suministra informacion of pensamiento. E derecho pa proteccion di e bon nomber y reputacion ta proteha pa articulo 1.16 di e Constitucion di Aruba y articulo 8 di EVRM.

Corte ta enfatisa cu no ta asina cu un di e dos derechonan general ta mas importante cu e otro. E pregunta cual derecho ta mas importante den un caso specifico, y por lo tanto si of no tin un acto incorrecto den e sentido di articulo 6:162 (BW), mester ser descubri pa medio di un balansa di e circunstancianan di e caso.

Den decisionnan di EHRM y di Hoge Raad tin ponencianan desaroya pa e balansa aki, entre otro si e declara-

cionnan ta contribui na un debate tocante asuntonan di interes publico. Si esey ta e caso, e ora libertad di expresion ta haya hopi espacio y peso y mester tin motibonan pisa pa limita esey. Esaki ta pasobra un debate publico habri y critico ta esencial pa un comunidad democratico.

Tambe ta conta ken ta hasi e declaracionnan. Den e caso aki ta declaracionnan haci door di prensa. Den e contexto di libertad di expresion prensa ta haya un significado importante. Prensa tin un funcion social importante, mas tanto como un 'watchdog' publico cu ta expone asuntonan, y por garantisar e derecho di e publico pa ricibi informacion critico.

Tocante e manera con e prensa ta traha, e libertad di periodismo ta punto importante di salida. Esaki ta nifica entre otro cu no solamente un reportahe di manera obhetivo

y modera ta proteha, pero cu tambe un cierto grado di exageracion of hasta provocacion ta permiti.

Sinembargo, e atencion periodistico mester ser teni den consideracion: periodistanan mester haya pa un reportahe preciso y confiabel, specialmente ora cu ta haci acusacionnan, cu tin na consideracion e etica periodistico.

Corte tambe ta tene na cuenta si e declaracionnan ta haya sosten suficiente den e material di hecho disponible. Ta importante si e declaracionnan cu a ser haci ta haya sosten suficiente den e material di hecho cu tabata disponibel of por ta disponibel na momento di e declaracionnan. Den e evaluacion si tin sosten suficiente den e material di hecho, por ta importante si un declaracion mester ser considera como un opinion di balor of un noticia di hecho. Den noticia di hecho e pregunta si por haya sosten den e hecho ta mas importante, mientras tanto pa opinion di balor esaki no ta, of ta menos, relevante.

Pa e caso aki specifico, Croes ta tuma e posicion cu no tin ningun decision den apelacion of Casacion, caminda a dicidi cu Croes y su famia a enrikece nan mes cu placa di FLPD. Segun Croes, no tin ningun decision tampoco den e apelacion di 22 di juli 2011 y un decision di Casacion di 30 di november 2012, caminda a dicidi cu FLPD a laga Croes sali rasonablemente.

Corte ta indica cu esaki riba su mes ta corecto. Den e decision di 14 di september 2010, Corte a disolve e contract di trabou di Croes cu FLPD. Corte a basa su decision riba e rapport di Ernst & Young, caminda ta bisa, entre otro, cu Croes a enrikece su mes y su ruman cu placa di FLPD.

Saliendo for di e exactitud di e rapport aki, Corte a conclui cu e contract di trabou no por a continua y cu Croes no tabatin derecho na un compensacion pa disolucion. No tabatin apelacion contra e decision aki. Croes a pidi pa revoca e decision aki y e peticion a ser rechasa pa Corte na 2011 y pa Hoge Raad na 2012.

Corte ta señala cu Croes tin rason ora el ta bisa cu Corte Comun y Hoge Raad no a bisa nada tocante e auto-enrikecimiento pa Croes. Corte Comun no haya necesario pa trata cu e decision di disolucion di e contract di trabou, mientras cu e apelacion di Casacion di Croes tabata relaciona na e peticion pa revocacion. Esaki ta nifica cu e Corte Comun y Hoge Raad no a dicidi cu Croes a enrikece su mes y su famia y tampoco cu FLPD a laga Croes sali rasonablemente.

A pesar di esaki Corte ta subraya cu esaki no ta nifica cu e declaracionnan riba 24ora ta incorrecto. E hecho ta cu e decision di Corte di 14 di september 2010, caminda a conclui cu FLPD tabatin un motibo urgente pa laga Croes sali, tambe despues di un procedura di herziening na Corte y Hoge Raad, a keda intacto.

E hecho cu den e articulonan riba 24ora e procedura di herziening na Corte ta ser referi incorrectamente como un apelacion no ta haci e articulonan incorrecto. Mesun cos ta conta pa e hecho cu Hoge Raad, contra di loke ta insinua den e articulonan, no a expresa un opinion den fondo tocante e motibonan pa disolucion di e contract di trabou cu Croes.

Corte ta bisa cu pa un abogado, despues di lesa tur e decisionnan cu a ser tuma den e procedura di dispidimento, ta cla cu e Corte Comun y Hoge Raad no a duna ningun opinion tocante e auto-enrikecimiento pa Croes y tocante e disolucion di e contract di trabou. Pa un periodista cu no tin formacion legal, segun e opinion di Corte, no por spera esaki.

Finalmente Corte ta dicta cu aunke e mensahenan huridicamente no ta completamente corecto, nan no ta asina incorrecto cu nan ta ilegal.

Hues ta rechasa e peticion y ta condena Croes na paga e gastonan di e procedura di Headlines Group, cu te e fecha di e veredicto aki ta ser calcula na 1,500 florin pa e salario di e apoderado, y ta declara e condena aki ehecutable provisionalmente.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Pakico tin asina poco... Mucha ta nace...?

Den nos edicion di ayera a sali un articulo encuantu e reduccion grandi den cantidad di mucha cu ta nace na nos isla den ultimo añanan. E caida den cantidad di nacemento aki tabata algo cu nos como medio a yega di señala anteriormente caba. Entre otro den edicion di 17 di juli 2023 y 19 di october 2023 a trece e tema aki dilanti, unda a constata cu e cifra di nacemento tabata bahando practicamente te na nivel di e cantidad di fayecimiento. Anterior na esaki, na februari 2020 tambe nos a trece e tema aki dilanti, na ocasion di un entrevista cu director di SVb tocante esaki. E situacion aki ta awor mas alarmante ainda, pa varios motibo, ya cu nos sociedad no conoce mas un crecimiento natural y hasta por experimentar un crecimiento natural negativo si e nivel di nacemento sigui cay. Y awor tin cifra cu ta muestra caba den e direccion ey.

Pa resumi e ultimo añanan, na 2021 tabata e ultimo aña cu a yega na mas di mil nacemento: 1019. Na 2022 a registra 915 y na 2023 solamente 856 nacemento, mientras a fayece 814 persona e ultimo aña ey. Loke nos no a mira publica ainda ta e cifra di promer tres luna di 2024; aki a registra solamente 162 nacemento. Un proyeccion pa henter 2024, y no tin motibo pa supone cu e restante lunanan di 2024 lo muestra un aumento drastico di nacemento, lo duna nos en todo caso menos di 700 nacemento e aña aki... Di otro banda, den e mesun periodo aki di 2024 a fayece 217 persona, loke ta pone nos anticipa un cifra total pa e aña di alrededor di 850 fayecimiento, un decrecimiento di 150...

E pregunta clave ta naturalmente kico nos mester bay haci cu e asunto aki. Pa cuminsa ta bon pa ripiti loke nos a enfatiza den nos comentario di 27 di februari 2020: "Loke ta preocupa nos bastante ta cu casi semper esnan cu ta participa den expresa nan atencion pa e tema ta otro stakeholder, pero casi nunca nos ta tende comentario di nos mandatario y parlamentarianan cu ta responsable pa defini maneho den esaki. Por lo tanto tur e señalnan aki, pa bon intenciona cu nan ta, ta cay manera den un bashi y ta keda sin contesta concreto, con di awor en adelante, ta bay actua pa contraresta e efectonan cu e desaroyo demografico ta bay tin."

Den e caso di e siman aki nos ta mira mesun fenomeno: un entidad manera Wit Gele Kruis ta trece nan preocupacion dilanti, manera otronan den pasado recien, pero nos no ta tende absolutamente nada di gobiernu ni parlamento. Acaso e tipo di problema

general aki no ta politicamente interesante, o talvez no ta toca e tema aki pasobra no tin un idea kico pa haci cune? Nos no por sinta warda te dia nan lo ta cla pa dedica atencion na e problema demografico serio cu nos tin, cu tin diferente consecuencia cu ta toca varios ministerio. Por ehemplo, nos a yega di tende di un discusion tocante e efecto cu menos mucha cu ta nace tin riba nos sistema di educacion? Aunke e caida mas fuerte den cantidad di nacemento a bira mas fuerte den e ultimo par di aña, manera ilustra anteriormente, e tendencia di baha di mas di 1300 nacemento te na 1000 den e añanan anterior ya tabatin un efecto grandi riba e cantidad di mucha den enseñanza primario. Durante aña escolar 2015-2016 nos tabatin 8996 mucha den e scolnan basico, mientras cu na aña escolar 2020-2021 esaki a baha te na 8283: 713 mucha menos pa bay scol, na 25 mucha pa cada klas esey ta facilmente 28 klas cu no lo t'ey mas... Nos ta tende comentario oficial riba nan propio datonan aki? Nos ta tende comentario tocante kico esaki por significa pa cierto scolnan cu mester reduci klas o mester cera mes? Con ta mantene un bon reparticion di alumno pa garantiza cu mucha por haya scol na un distancia razonable di nan lugar di biba? O acaso ta considera cu esaki no ta nos asunto...?

Sin embargo, ban pa e pregunta haci den e titulo: pakico tin asina poco mucha ta nace? Mester bisa cu e ta un fenomeno cu nos ta mira na mas pais desaroya, unda e situacion economico ta obliga hopi pareha hoben pa posterga nan eventual plan pa tin yiu. Esey ta hunga un papel cerca nos tambe, pero e ta bay combina cu otro aspecto: escasez di vivienda adecuado pa hopi hende hoben, cu pa gran parti ta biba den apartamento chikito y no por aspira yega tampoco na un vivienda mas apto, pasobra ingreso no ta yega ni pa huur di un cas cu varios dormitorio, ni pa paga hipoteca. Y kico nos ta mira? Cu gobiernu ta concentra riba vivienda pa bende cu e grupo pudiente, pero ta parce di a lubida cu nan tin un responsabilidad den atende asunto di vivienda popular, pa esun cu no por cumpra. E problema grandi cu no solamente gobiernu actual, sino en general mayor parti di nos politiconan tin, ta cu si nan cuminsa papia di e tema aki, nan lo mester propone solucion, y esey nan no por o no kier. E ultimo aki, pasobra silenciosamente a opta pa e 'solucion demografico' di inunda Aruba cu trahador stranhero, pa 'resolver' e problema di escasez di labor, y de paso tambe 'resolver' e problema di menos mucha cu ta nace. Loke nos no tin, nos ta importa, toch...?

LJMADURO – 12-JUN-2024

Prome Minister Evelyn Wever-Croes:

Gobierno di Aruba ta condena tur tipo di abuso contra nos muchanan

Mirando e sucedidonan ultimo dianan relaciona cu un creche specifico na unda a tuma luga abuso contra criaturanan in-defenso, Prome Minister Evelyn Wever-Croes kier a bin dilanti pa expresa su disgusto y sentimiento pa cu e actonan baho asina, cometi contra esnan mas vulnerabel, cu ta nos muchanan. El a indica cu proteccion di nos muchanan semper tabata y ta un prioridad di gobierno y cu Gabinete Wever-Croes lo sigui traha na purba combati e tipo di abusonnan aki.

Desde inicio di gobernacion di Gabinete Wever-Croes gobierno a haci tur loke tabata na nan alcance pa purba yuda na preveni e abuso contra nos



muchanan.

Gobierno a traha/cambia ley-nan y proceduranan pa per-cura pa haci e castigo pa cu e acto aki mas severo. Na 2020, gobierno a hisa e castigo na e maximo.

A purba traha riba preven-cion y educacion cu ta hopi importante pa yuda preveni. A bin cu ley di crèche, ley di proteccion di mucha y ho-

ben, ouderenplan.

A pone mas atencion na e veld social biniendo cu e Codigo di Proteccion, "Signs of Safety

A firma MOU's pa cuida di victima

A construi e Family Justice Center

Na 2021 institui e departa-mento di mucha y hoben

A institui FACT team Kind

en Jeugd Sociaal Psychia-trische Dienst

Desde aña 2019, Bureau Sos-tenemi ta e punto central, e asina yama Advies y Meld-punt (AMK), pa raporta mal-trato di mucha. Segun nan cifranan, pa aña tin alrededor di 400 caso di abuso contra nos muchanan, pero no tur ta trata di maltrato of abuso sexual pero si e dalmento di mucha ta pasa hopi na Aruba y ta wordo normalisa. E ac-tonan aki no ta aceptabel ni pa gobierno ni pa comunidad en general, y p'esey lo sigui traha na enforsa e leynan di proteccion pa nos muchanan.

"Ta hopi importante pa may-ornan cuminsa scucha y kere den nan yunan. Na momen-to cu bo yiu bisa bo cu nan no kier frecuente cierto luga

y/of persona ta bon pa pone atencion y cuminsa averigua e motibo tras di e compor-tacion aki. Proteccion di nos muchanan ta cuminsa na nos mes, na nos como mayor pa siña pone atencion na com-portacion di nos yunan, y mas importante cuminsa kere den nan. Gobierno por bin cu tur ley, pero si a nos mes no ta scucha nos criat-urnanan, e problema ta bira mucho mas dificil pa comba-ti. Ta solamente uni, nos por logra pa nos yunan ta protegi contra esnan di menos bon intencion" Prome Minister a expresa.

Pa denuncia un caso di abu-so di mucha of pa conseho por yama gratis: 588 1010 of email: sostenemi@aruba.gov.aw.

Minister di Finanzas ta e siman aki na Merca pa reuni cu inversionistanan riba mercado internacional di capital

E siman aki Minister di Finanzas, Xiomara Maduro ta na Merca pa reuni cu inversionistanan riba e mercado di capital internacional cu ta deposita nan confiansa den Aruba. E mandatario lo bishita inversionistanan na 5 diferente ciudad den 5 dia di trabao.

Aruba tin como 25 aña ac-tivo riba e mercado interna-cional di capital pa asina por cubri e necesidad financiero di nos Pais. Debi na e pan-demia Aruba tabata algun aña ausente. Mientrastanto nos



Pais su economia a recupera grandemente y a haci refor-manan necesario cu a percura pa e credibilidad financiero di

Aruba por a crece. E storia di recuperacion di Aruba ta uno impresionante y ta impor-tante pa e inversionistanan

haya sa di esaki.

Durante e reunionnan infor-macion ta wordo brinda di e recuperacion economico y financiero di Aruba, e mane-ho di debe, e reformanan cu ta tumando luga den cuadro di e Landspakket, e plan di Aruba pa atende cu retonan financiero di cambio climati-co, informacion riba e inver-sionnan cu ta tuma luga y ta duna bista riba e rendimiento financiero di e companianan estatal Aruba.

Minister Maduro di Finansa ta haci uzo di e oportunidad

tambe pa gradici tur e in-vestoristanan internacional cu ta kere den Aruba y cu hasta tempo di pandemia a keda brinda Aruba nan con-fiansa. "Ta dlanan pisa di tra-bao, pero nos ta contento di por representa Aruba digna-mente, contando e storia di e esfuerzo di nos hendenan pa percura pa Aruba por recu-pera e credibilidad financiero cu ta duna inversionistanan e confiansa cu nan inversion ta sigur na Aruba," ta palabran-an di Minister Maduro di Fi-nansa cu ta resumi e necesi-dad y importancia di su biahe di trabao.

Minister Geoffrey Wever lo compaña Rey Willem-Alexander y Reina Máxima durante mision comercial pa Merca

Merca ta e partner no-Europeo mas importante pa Reino Hulandes den e terenonan di loka ta rela-cion economico y segu-ridad. E relacion fuerte ta esencial pa e prosperidad di Reino Hulandes, y pa nos como isla Caribeense cu ta depende fuerte-mente riba e economia Norte Americano.

Rey Willem-Alexander y Reina Máxima lo bishita e es-tadonan Mericano di Georgia y New York for di dialuna 10 te cu 13 di juni. Den Georgia nan lo bishita ciudad Atlanta y Savannah, y na New York



nan lo bishita ciudad Albany y New York City.

Parallel na e bishita di trabou di e pareha real, un delega-cion di CEO di VNO-NCW lo forma parti di e biahe y

lo tin un mision di RIVM y lo tene un mision comercial tambe. Durante e bishita na estado Georgia, e pareha real lo ser acompaña pa ministro Harbers y na estado New York pa ministro Schreinem-

acher. Minister Geoffrey Wever di Asunto Economico, Comunicacion y Desaroyo Sostenibel, hunto cu minis-ter Cijntje di Desaroyo Eco-nomico di Corsou tambe lo forma parti den e bishita aki.

E bishita aki ta subraya e rela-cion bilateral fuerte entre Re-ino Hulandes y Merca y e rela-cion economico importante cu e estadonan di Georgia y New York. Georgia na e mo-mento aki ta di nueve partner comercial mas grandi di Hu-landa den Merca y ta desaroy-ando fuertemente. New York ta importante pa Hulanda, mescos cu California y Texas,

ora cu ta yega na interes di comercio y inversion.

Minister Geoffrey Wever lo ta presente durante e mision comercial na New York. "E biahe aki ta subraya e im-portancia di un bon relacion den Reino y ta muestra con e paisnan den Reino Hulan-des por uni pa explora opor-tunidadnan economico. Mi ta sumamente agradecido y honra pa e invitacion pa por compaña Rey Willem-Alex-ander y Reina Máxima du-rante e mision aki y repre-senta Aruba den e forma aki", minister Wever ta expresa.

Inyeccion combo di Moderna contra influenza y Covid ta logra resultadonan positivo den ultimo etapa di estudio

(YahooFinance)—Moderna mRNA a anuncia resultadonan positivo for di e ultimo etapa di un investigacion andante evaluando mRNA-1083, su vacuna combina contra influenza y Covid-19, den adultonan mayor (50 aña bay ariba).

E estudio di fase III a cumpli cu su metanan principal, mustrand cu mRNA-1083 ta provoca respuestanan di inmunisacion mas halto contra influenza y Covid-19 compara cu vacunanan solamente dirigi contra influenza of Covid-19.

E resultadonan aki ta basa riba un estudio cu a evalua e vacuna den aproximadamente 8,000 adulto dividi den dos grupo independiente. E prome grupo, cual ta inclui adultonan 65 aña bay ariba, a compara mRNA-1083 cu un coadministracion di Fluzone HD, un vacuna di dosis halto contra influenza promove pa Sanofi y Spikevax, e vacuna di Moderna actualmente licencia contra Covid-19. E segundo grupo ta consisti di adultonan di 50 pa 64 aña, comparando mRNA-1083 cu Fluarix, un vacuna di dosis regular contra influenza promove pa GSK, coadministra



Spikevax.

Cu e resultadonan aki, Moderna ta haya un avance riba Novavax NVAX y BioNTech BNTX/Pfizer PFE, ken tambe ta desaroyando nan mesun vacuna combo contra Covid/keintura. Compara cu otro coleganan, Moderna ta e prome pa reporta data positivo for di un estudio di ultimo etapa riba un vacuna combo contra Covid/keintura.

Moderna tin e intencion pa

traha cu autoridanan regulatorio pa entreganan regulatorio. Maneho tin e intencion pa promove mRNA-1083 pa 2025. E shares di Moderna a aumenta 49.4 porciento contra e caida di 5.9 porciento di industria.

mRNA-1083 ta combina e dos vacuna investigacional di Moderna, vacuna di influenza mRNA-1010 y mRNA01283, un vacuna di Covid-19. Ambos vacuna a

logra resultadonan positivo caba den estudionan separa como vacunanan riba nan mes.

Na maart, Moderna a reporta resultadonan interino positivo for di un estudio di ultimo etapa evaluando mRNA-1283 den individualnan di 12 aña bay ariba. E estudio a logra su metanan principal, demostrando respuestanan di inmunisacion halto den individualnan compara cu e

vacuna bivalente aproba anteriormente di e compania. Pa cada maneho, mRNA-1083 ta ofrece e potencial pa mas duracion y bentaha di deposito.

Aña pasa, Moderna provee un update positivo for di un estudio inmunogenico (P303) riba mRNA-1010 den adultonan mayor. Data for di e estudio a muestra cu mRNA-1010 a provoca respuestanan di inmunisacion halto den tur cuatro variante A y B di influenza compara cu Fluarix. Den un estudio separa, mRNA-1010 a provoca un respueste di anticurpa halto compara cu Fluzone HD. Ta anticipa cu e estudio P303 lo apoya e documentacion di Moderna pa mRNA-1010, cual ta anticipa e aña aki ainda. Si aproba esaki, lo por anticipa un lansamento comercial den e segunda mita di 2025.

Si esaki ser aproba, un vacuna di combinacion manera mRNA-1083 por yuda mehora consumo di vacuna y conveniencia contra dos infeccion respiratorio. E lansamentonan comercial binidero ta parti di Moderna su plannan pa promove 15 producto nobo pa 2028.

Malesanan respiratorio ta plaga Kenia mientras mas hende ta kima palo pa spaar placa

(AP)—Malesanan respiratorio ta e malesanan mas predominante na Kenia durante e ultimo añanan y ta sigui crece, segun autoridanan gubernamental, cu 19.6 miyon caso reporta aña pasa.

Kimando biomasa manera palo ta e contribudor mas grandi na e malesanan ey, segun Evans Amukoye, un cientifico cu e centro di investigacion riba malesa respiratorio di Kenya Medical Research Institute. “Bo por tin grawatamento di wowo, tosamento, y pa casonan serio manera malesa cronico di obstruccion den pulmon, bo ta haya bo ta incapaz di cana pasobra bo pulmon ta bira preta,” segun Amukoye. E malesa ta causa pa contaminacion di aire of huma paden y pafu di cas.

Data for di e ministerio di Salud na Kenia ta muestra cu



e malesa cronico di obstruccion den pulmon ta responsable pa 1.7 porciento di morto den e pais. Hende den areanan mas pover ta ser diagnosticada cu malesa respiratorio mas despues den bida compara cu hende den clase

medio den areanan urbano cu miho conscientisacion y acceso na cuidio medico, Amuyoke a bisa.

Famianan den barionan informal y areanan rural ta esnan mas afecta como cu may-

oria hende di e areanan ey ta depende riba kimamento di palo of combustible fossiel pa cushina. Hende muhe dilanti candelanan cu huma pa te of snack ta un bista comun den e capital, Nairobi, y mas leu.

E encuesta demografico y di salud di gobierno na 2022 a muestra un dependencia halto riba e combustiblenan tradicional pa cushinamento na Kenia. E cantidad di hogarnan cu ta depende riba biomasa manera palo pa kima a aumenta for di 4.7 miyon pa 6.7 miyon entre 2020 y 2022.

Economista Abraham Muriu a bisa cu e ta kere e aumento di Kenianonan usando palo pa kima ta un resultado di shocknan economico causa pa un reduccion den salario durante e pandemia di Covid-19 y e inflacion cu ta keda bira mas y mas halto. “Palo pa kima ta mas disponible y ta e combustible fossiel mas

accesible, specialmente den areanan rural,” Muriu a bisa.

El a bisa cu probablemente mas Keniano den areanan urbano a depende riba e uso di palo pa kima of carbon tambe debi na un aumento den prijs y impuesto. Saconan di carbon ta disponible na algun sitionan na Nairobi, y e buskeda pa palo pa kima ta keda constante den e pais.

Aunke companianan ta persigui opcionnan pa “cushina limpi”, prijsnan halto ta keda un obstaculo pa hopi Keniano. “Si nos por provee un solucion berdaderamente limpi y eficiente na usarionan den Africa, e mester por ta pagable pa nan,” segun Chris McKinney, e agente comercial na BURN manufacturing, cual ta describi su mes como un compania di “stoof moderno” basa na e partinan afo di Nairobi.

Coalicion nobo ta vota contra plan di salba cumindanan gratis na scol

(NLTimes) - E proposicion pa sigui cu e programa di distribui cuminda gratis na scol den 2025 no a genera suficiente sosten na un voto diamars den Tweede Kamer.

E partidonan den coalicion binidero PVV, VVD, NSC y BBB a uni otro fraccionnan den no vota pa e proposicion.

E iniciativa a ser treci dilanti pa D66, cual ta parti di e gabinete actual y partidonan den oposicion GroenLinks-PvdA, Volt, Denk y SP. Nan a pensa cu ta lamentabel cu e acuerdo di coalicion no a reserva fi-



nanzas pa esaki y nan tabatin speranza di rectifica esaki cu nan mocion.

Scolnan a cuminsa distribui cuminda gratis mas o menos 2 ana atras bao peticion di Tweede Kamer. Un mayo-

ria na Parlamento a spera cu esaki lo nifica cu e muchanan no lo mester sinta den klas cu hamber.

E partidonan a entrega e mocion a señala un evalu-

acion positivo tocante e areglo aki desde cu el a ser lansa. Muchanan tin mas energia y concentracion, un dieta mas diverso, mas saludabel y ta experiencia nivelnan mas abao di stress.

Esaki ta e motibo dicon nan a spera di converti esaki den un areglo permanente cu un presupuesto anual structura. Esaki lo mester a keda anuncia den e programa di gobierno, e elaboracion mas detaya di e acuerdo di coalicion, ora cu e gabinete nobo drenta oficina.

Eddy van Hijum di NSC tabata sumamente critico tocante esaki durante un debate siman pasa. El a kere cu e gabinete nobo mester ricibi espacio pa haci nan propio plannan. E comentario aki a bini despues di un “dialogo amplio” tocante pobresa entre muchanan.

Hulanda no por deporta mucha muhenan di Irak despues di inculca balornan di igualdad di genero segun Corte Europeo

(NLTimes) - Hulanda no por deporta dos hoben di Irak despues di a inculca e creencia genuino cu hende homber y hende muhe ta igual dentro di nan durante e añanan cu nan a bida den e pais, Corte Europeo di Husticia a declara diamars.

Segun e corte na Luxembourg, ta posibel cu e hobennan aki lo enfrenta persecucion na Irak a causa di e normanan y balornan cu nan a sina na Hulanda durante nan añanan formativo.

E dos hobennan di Irak tin desde 2015 continuamente na Hulanda. Despues cu e autoridadnan Hulandes a rechasa dos biaha nan aplicacion di asilo, nan a hiba e topico corte. Corte Hulandes a pidi Corte Europeo di Husticia pa su opinion.

E hobennan a argumenta cu

durante nan estadia na Hulanda, “nan a adopta e normanan, balornan y conducta di hobennan di nan edad den e sociedad aki.” Si nan mester bolbe Irak “nan no lo por conforma na e normanan di un sociedad cu no ta duna ser femenino e mesun derechonan cu hende homber.” Nan tin miedo di persecucion como resultado di e identidad cu nan a forma na Hulanda segun nan argumento.

Corte Europeo su decision tabata na fabor di e muhenan en cuestion, referiendo na e directiva di proteccion internacional, cual ta stipula cu mester duna status di refugiado den casonan unda tercer nacionalnan por enfrenta persecucion a causa di rasa, religion, nacionalidad, opinion politico of miembresia di un grupo en particular.

“E Corte ta mantene cu hende muhe, incluyendo menor-



nan, cu ta comparti como característica comun e hecho cu nan ta genuinamente identifica cu e balor fundamental entre hende muhe y hende homber durante nan estadia den estado Miembro, dependiendo riba e circunstancianan den e pais di ori-

gen, por ser considera como parti di e grupo social,’ constituyendo un ‘causa di persecucion’ capaz di yega na un reconocimiento di estado di refugiado,” e corte a declara.

Corte a dicta cu un estadia largo den un Estado Miem-

bro ta un consideracion valido ora di evalua un aplicacion pa proteccion internacional basa riba miedo di persecucion, specialmente ora cu e estadia aki ta coincide cu e mucha su añanan formativo.

Muhe di Amsterdam deteni bao sospecha di contrabanda di hende

(NLTimes) - E Inspectorado di Labor a detene un muhe di 39 aña for di Amsterdam bao sospecha di contrabanda di hende.

Aparentemente e muhe a yuda gruponan grandi di persona, principalmente di Brazil, biaha bay Hulanda. Pa añanan largo, e muhe aki a yuda nan haya trabao y un cas a cambio di placa.

E Inspectorado ta kere cu e muhe aki ta activamente acer-



cando hende. E sospechoso a cobra hende pa yuda nan cu nan biahe na Hulanda, habriendo cuentanan di banco y busca un espacio pa biba. Tambe el a pidi pa placa pa registra nan legalmente como persona cu no ta biba na Hulanda, cual por ser haci pa autoridadnan gratuitamente.

Personanan despues a ser ilegalmente hinca e region di Amsterdam, mas tanto den limpieza, construccion of hotelnan. Nan a ser poni den

ambos companianan priva y individuonan priva.

Ta prohibi pa organisacionnan na Hulanda opera sin permiso ora cu nan ta recluta of emplea hende for di fuera di e European Economic Area of Switzerland.

Un vocero di e Inspectorado no kier a bisa con hopi persona ta involucra ni tampoco si nan ta na Hulanda te ainda. El a bisa un calculacion berdadero no ta disponibel.

Corte Hulandes ta condena 3 hende homber den tiro fatal di PEtter R. de Vries



(AP) - Corte Hulandes riba diaranson a condena 3 hende homber di asesinato pa nan rol den e tiro-teo di 2021 di reportero investigativo Peter R. de Vries, un atake na Amsterdam cu a manda un ola di shock na henter Hulanda.

Su asesinato aparentemente ta relaciona na un cantidad di accion di gang na y alrededor di e capital Hulandes, aunke e lider di e gang cu a ser condena di duna ordo pa algun di nan no a ser acusa den e asesinato di De Vries.

E tirador, e chauffeur y e organisador di e atake a ser condena di hunga un rol directo den e asesinato. E tirador y chauffeur a keda sentencia na

28 aña den prizon. E homber cu a organisa e asesinato a ser sentencia na 26 aña y un luna.

E 3 sospechosonan a demostra “di ta personanan sin escrupulo. Nan accionnan y falta di responsabilidad cu esaki a demostra cu nan no ta balora bida di ser humano,” Hues Gert Oldekamp di Amsterdam District court.

De Vries a ricibi tiro dia 5 di juli 2021, un caya di Amsterdam cu ta druk y a fayece 9 dia despues a causa di su heridan cu 64 aña.

E tabatin tempo trahando como consehero y confidente di un testigo protegi den e huicio di e supuesto lider y otro miembronan di e gang

di crimen. E testigo su ruman homber y abogado ambos a ser asesina.

E grupo su gangster principal, Ridouan Taghi, a ser condena pa su rol den 5 asesinato y a ser sentencia na bida den prizon den februari. Huesnan a yama su persona “indudablemente e lider” di un “organizacion di asesinato.” Taghi a apela su condenanan.

Taghi no a ser acusa di a hunga un rol den e asesinato di Peter R. de Vries y ki ihn-tencion e por a tin no ta den evaluacion den e caso criminal aki,” Oldekamp a bisa.

De Vries su yiu, Royce, a conta noticiero nacional NOS cu e problema ta algo pa e abogado trata. “E hecho ta cu tin un condena awe y castigonan fuerte imponi. P’ami, esey ta lo mas importante actualmente,” el a comenta.

Annemiek van Spanje, abogado di de Vries su famia, a bisa cu nan ta satisfecho cu e decision, sinembargo e “punto importante ta cu e no lo trece back nan tata.”

Un total di 9 hende homber a ser acusa en conexion cu e asesinato. 3 di nan a ser condena di ta complife y a ricibi



castigo di entre 10 pa 14 ana. Un di nan a ser condena di posesion di droga pero no di ta complice den e asesinato. El a ricibi un sentencia di 4 siman.

Dos su crimennan a ser retira pa motibo cu nan a ser acusa solamente cu hunga un rol den un organizacion criminal y e huesnan a bisa cu fiscalnan no a comproba e existencia di e organizacion aki. Fiscalia su vocero Justine Asbroek a duna bon bini na e condenanan.

“Nos ta contento cu e caso criminal aki a yega un fin, por lo menos te cu awo,” el a conta reporteronan na e Cas di Corte. “Nos ta contento pa e famia cu finalmente tin

claridad tocante esnan involucra den e asesinato.”

E nombrenan completo di e sospechosonan no a ser publica di acuerdo cu e regulacionnan Hulandes di privacidad.

E fiscalnan a pidi bida edn prison pa e tirador, e chauffeur y esun cu a organisa e crimen y sentencia di entre 3 pa 21 ana pa e otro 6 sospechoso den e caso. E condenanan tabata generalmente mas cortico di loke a pidi pa motibo cu Corte a considera cu e fiscalnan no a comproba cu e sospechoso ta parti di e organizacion criminal ni tampoco cu algun a actua cu un motibo terrorista.

Oficina di inmigracion no ta investiga acusacionnan di fraude di residencia

(NLTimes) - IND y Minister di Husticia y Seguridad no ta follow up e rapportnan di potencial di fraude di inmigracion.

NRC a haya 6 caso den cual 2 persona a reporta indicacion serio di fraude cu no a ser investiga mas aleu. Segun e corant, e informantenan a ser bisa cu “entrega un keho usualmente no ta e manera mas apropiada” pa trata e sospechonan di fraude.

Ambos informante ta traha pa IND su Departamento di Famia. E 16 grupo den e departamento aki ta responsabel pa evalua aplicacionnan for di inmigrantenan pa laga miembronan di famia uni na nan na Hulanda.

Nan ta revisa ID, certificado di matrimonio, documentonan di integracion, recordnan criminal y si e aplicante



por sostene e miembronan di famia cu nan kier trece, entre otro.

Den juli di 2022, un informante a bira sospechoso ora cu un di e aplicacionnan cu e tabata trahando riba dje diripiente a desaparece for di su lista. Un pareha recien casa

di Maroco a aplica pa trece su casa Hulanda. El a investiga y a mira cu e aplicacion a keda aproba, apesar cu varios di e documentonan rekeri no a keda aproba. E aplicacion a keda aproba pa un colega cu tin faboritismo cu Marocanonan. El a reporta e situacion na e manager di integridad

sinembargo nada no a ser haci.

NRC tambe a haya un rapport tocante empleado di IND cu a duna permiso di residencia na un criminal cu entrada prohibi y 10 condena, apesar di obhecion di emba-hada Hulandes. Tambe taba-

tin un tip tocante otro matrimonio falso cu a paga 5,000 pa permiso di residencia.

Vocero di Ministerio di Husticia y Seguridad su comite di integridad a bisa NRC cu “e investigacion di IND a ser examina cautelosamente” y a haya cu el a ser checuta “cu suficiente experticio y preguntanan adecua puntra” E Ministerio, pa e motibo aki, no “tabatin motibo pa duda e resultadonan di e investigacion.”

Vocero di IND a bisa cu e servicio “nunca ta responde substancialmente na preguntanan tocante caso individual na media.” Nan a agrega cu IND recientemente a ricibi “informacion cu tabata desconoci pa nos” for di e Ministerio su consehero y lo “conduci un investigacion basa riba esaki pa por crea su propio conclusionnan.”

Chile, Francia y España a frustra envio di cocaina pa Bolivia

(DW) – Segun Polis Spaño a informa, nueve di e detencion a tuma luga na Chile y otro cuatro mas na Francia, den operacion aki, a ser interveni 70 kilo di cocaina cu a ser manda for di Bolivia te Francia a traves di España.

“E organisacion criminal tabata fabrica e mashinnan cu e fin di manda e droga scondi den e mashinnan,” nan a destaca den un comunicado.

E investigacion a cuminsa door di Polis di Investigacion di Chile, ora a ser detecta un organisacion nobo cu tabata pretende importa na e pais cantidad grandi di clorhidrato di cocaina e cual a bin for di Bolivia, cu e obhetivo di “habri un innovador caminda di exportacion pa Europa” di e droga aki, segun e comunicado a splica.



Den contacto cu Polis Spaño, nan a descubri cu e destino di e cargamento tabata e waf Spaño di Barcelona, pa despues distribui e droga na Europa, un bes cu a ser hiba na e ciudad Frances Perpignan.

“Exportadonan di e substancia, situa na ciudad Chileno Valparaiso, a cuminsa uni e piesanan empresarial cu tabata conta tanto cu testafiero como administradonan pa

por cubri e berdadero responsabelnan di e envio ilícito,” e fuente a bisa.

Na februari ultimo, autoridadnan Chileno a detecta cu e organisacion a sconde droga den dos mashin agricola construi pa e organisacion aki, y cu mester a ser manda for di Valparaiso via Barcelona den un barco cu tabatin como destino final Perpignan.

Un dispositivo na un locali-



dad cerca di Perpignan, cu agentenan Frances, Spaño y Chileno, a detene cuatro supuesto integrante di e organizacion, cu un hues a manda nan na prison provisional, “encarga di habri e mashinnan y recoge e substancianan, cu e obhetivo di su distribucion,” a señala.

“Esaki ta e prome fase, den cual a interveni 70 kilo di clorhidrato di cocaina, e or-

ganisacion criminal cu tabata dedica na importacion di clorhidrato di cocaina den cantidadnan grandi a ser descubri,” a agrega.

Den un segundo fase desaroja na Chile, a ser aresta nueve persona y otro tres a ser acusa, “loke ta pone final na e operacion di e parti exportado di e organizacion,” segun Polis Spaño a sigura.

Human Rights Watch ta afirma cu Congreso di Peru ta ataca sistema democratico

(EFE) – Organisacion Human Rights Watch a afirma cu Congreso di Peru ta pura pa trece dilanti medidanan nobo cu ta debilita e independencia hudicial, restringi espacio civico y lo debilita investigacionnan contra crimen organisa y abusanan di derechonan humano, den e poco dianan cu ta falta pa conclui e legislatura actual.

Den un comunicado, e agrupacion a señala cu Estadonan cu ta forma parti di Organizacion di Estadonan Americano (OEA) mester debati e situacion di Peru durante asamblea general cu ta bay tuma luga na Paraguay for di 26 te cu 28 di juni.

E director pa America di Human Rights Watch, Juanita Goebertus, a declara cu “e incidentenan di legislacion destructivo, congresistanan Peruano ta intensifica nan medidanan pa controla autoridadnan hudicial y electoral.” Asina mes, a agrega cu nan “ta busca debilita e sistema di rendicion di cuentanan, supervision y critica di nan accionnan.”

A alerta cu ta probabel cu e medidanan aki lo tin “consecuencianan grave” pa tur



Peruano, permitiendo “crimen organisa por expande” y dificulta cu personanan lo ricibi atencion ora ta viola nan derechonan.

E comunicado a recorda cu Parlamento Peruano a aproba un reforma constitucional pa elimina Hunta Nacional di Husticia, e organo maximo di hudicatura y cu Senado, ta bay ta esun encarga di nombra y kita huesnan y fiscalnan.

Ademas, a aproba un proyecto di ley cu lo duna “poder grandi” na gobierno pa con-

trola e organisacionnan no gubernamental cu ta ricibi fondonan for di exterior, lo duna facultad di duna multa of sancion arbitrario na gruponan cu lo critica of opone na accion gubernamental, segun nan a señala.

Igualmente, e Legislativo a aproba, den un prome votacion, un proyecto di ley cu e obhetivo ta pa indica e aplicacion y alcance di delitonan di lesa humanidad y crimen di guerra, pero cu lo por ser usa pa huesnan y fiscalnan pa “debilita” e investigacionnan

tocante violacion grave na derechonan humano cometi durante e conflicto arma na e pais (1980-2000).

A agrega cu e “proyecto ey por habri e porta” na revision di condena contra miembronan di e grupo arma Sendero Luminoso y contra miembronan di forsanen di seguridad y di gobierno responsabel di crimennan di guerra.

A destaca cu e presidente Peruano, Dina Boluarte, “a uni” varios biaha na Congreso, cu recientemente a rechasa vari-

os mocion di desconfiansa den su contra evitando asina su destitucion.

Tambe, a indica cu fiscalia ta investiga un presunto skema di trafico di influencia entre miembronan di Congreso y e ex-fiscal general Patricia Benavides, na ken e Hunta Nacional di Husticia a kita for di su funcion 22 di mei ultimo.

“Gobiernonan di America mester pronuncia nan mes riba e retroceso democratico di Peru,” Goebertus a afirma tocante su yamada na OEA pa pidi Boluarte garantisar e respet na Estado di derecho y independencia hudicial.

Congreso di Peru ta finalizando nan legislatura actual y diasabra awor 15 di juni lo realisa sesion plenario consecutivo pa sigui vota pa otro proyectonan di ley, ademas di somete na sesion di interpelacion varios ministernan di Estado.



Puerto Rico: Empleadonan di Husticia ta marcha pa exige Junta Fiscal concede aumento salarial

(ElNuevoDia) - Alrededor di 200 empleado di e Departamento di Husticia, incluyendo fiscal-, procurador- y registradonan di e propiedad, a reuni na e Milla de Oro na Hato Rey, pa protesta y pa exige e Junta di Supervision Fiscal (JSF) concede e aumento salarial contempla den un ley aproba na december di 2023 pa e gobierno di Puerto Rico.

Pa 4or di atardi e color blanco y e zonido di tamborinnan a yena e acera dilanti e edificio Seaborne, unda e sede di JSF ta ubica. Eynan, representantenan di e 13 fiscalnan di husticia a marcha mientras nan tabata canta slogannan manera “Husticia salarial, e fiscal mester wordo paga” y “Mi tin ley aproba y boso tine secuestra.”

E yamadonan reitera di e funcionarionan tabata apunta na e aumento salarial contempla den e Ley 134 firma pa e gobernador Pedro Pierluisi, legislacion cu no a drenta na vigor pa motibo cu e entidad



fiscal no a autorisa e aumento.

“E reclamo cu e miembronan di e Ministerio Publico ta haciendo ta pa e Junta di Supervision Fiscal duna paso na e fondonan cu e Ley 134 di 2023 ta rekeri. E ley ey a cambia un ley di 2022 cu a

duna aumento na e fiscalnan, pero cu na momento cu a cambia e cifra base y e porcentahenan, a laga e fiscalnan auxiliar y procuradornan cu e mesun salario,” e presidente di e Asociacion de Fiscales, Javier Rivera, a expresa na El Nuevo Dia.

Segun e licenciado Rivera, e hecho cu e fiscalnan no a ricibi un aumento salarial significativo a provoca un exodo di personal cu ta bay sigui bira pio si e legislacion no drenta na vigor.

Precisamente e sentimiento ey e manifestantenan a com-

parti, kendenan a expresa cu loke nan a ricibi ta “centjes”. Den nan man nan tabata carga posternan cu tabata lesa “Husticia pa esnan cu ta haci husticia” y “Si e hunta no kier scucha, ken lo establece e casonan?”

“Nos conoce hopi fiscal cu a renuncia. Tin hopi compañeronan cu por tey 20 aña cu e posicion di fiscal 1 y tin 20 aña cu e mesun salario henter su trayectoria. Esey ta loke nos kier evita pasobra e fiscalnan, obviamente pa nos trabao, ta gana un experiencia den e sector criminal cu tin hopi balor riba caya y ta cada biaha mas atractivo pa fiscalnan renuncia y drenta practicanan priva,” e presidente di e Asociacion di Fiscalnan a denuncia.

Dia 4 di juni ultimo, e representantenan di Ministerio Publico a reuni cu miembronan di JSF pa dialoga tocante e aumento salarial. JSF a pidi espacio pa por analisa y nan tin te cu 30 di juni pa por aproba e presupuesto di e pais y pa certifica e ley.

Republica Dominicana: Situacion precario na scolnan rural di San Francisco de Macoris

(DiarioLibre) – Studiantenan evitando obstaculonan den klas, lesnan bao di lonanan pa e posibilidad di collapse of escasez di espacio ta algun di e problemanan cu un gran parti di e scolnan rural na San Francisco de Macoris tin, un di e ciudadnan principal di Republica Dominicana, e mayor- y maestronan ta denuncia.

E scol Maria Lajara Henriquez, situa na e zona cu hopi sero di e ciudad, ta muestra e situacion precario di algun centro di enseñansa na e pais, cu ta destina e 4% di e Producto Interno Bruto (PIB) na educacion.

“Nos ta cla pa sali core pasobra e scol ta den hopi mal estado,” e profesor Leonardo de la Cruz a bisa na EFE bao un lona blauw, e dak improvisa den aire liber cu ta wordo usa pa duna les door di e imposibilidad pa e 13 alumnonan di e centro drenta e edificio pa riesgo cu e lo collapse.

Probechando e dia cu solo



pa duna lesnan presencial despues di varios dia cu e muchanan no por a y scol door di awasero y e imposibilidad di por yega e scol pa motibo di e plasnan di awa riba caminda, ta soprende e concentracion di e alumnonan ora cu e maestro ta splica e lesnan den e condicionnan aki.

Segun e ministerio di Edu-

cacion a splica na EFE, un inspeccion tecnico a conclui cu e scol aki no ta den condicion pa duna les, door di cual e cartera ey a compromete su mes na su remodelacion pa prome cu e aña escolar nobo cuminsa, obranan cu lo consisti di e demolicion di e centro y e construccion di dos klas y un servicio di baño digno.

Tè ora cu logra drecha e inconvenientenan aki, e maestronan tin solucionnan pa e muchanan por sigui cu nan estudio. Un di nan ta e grupo di Whatsapp entre e mayornan y e maestronan, unda nan ta debati cada dia si e meteorologia ta permiti e alumnonan bay scol of si nan mester keda cas, den cual

caso e maestronan ta manda e lesnan cu nan mester haci.

Na otro ocasionnan, ora cu awa cuminsa yobe durante les, nan mester sconde te ora cu nan por bay cas back.

De la Cruz a splica cu e muchanan ta demostra miedo cu nan tin den caso cu tin un temblor cu lo por basha e scol abao pasobra e no tin base solido, no tin columnanan cu ta wanta e edificio. E maestronan tambe tin miedo ya cu algun dia atras un mata grandi cu tabata cerca a cay y e prome pensamiento tabata cu e scol ta cayendo den otro.

E inconvenientenan aki tambe ta sucede den zonanan aparta di e ciudad, manera na e Politecnico Pedro Francisco Bono, unda e paralisacion di un construccion a laga e edificacion rondona di desperdicio di construccion cu ta produci acumulacion di sangura, cu a provoca casonan di dengue, y di materialnan na unda cualkier caida por ta un desgracia.

Inversionista Mericano Martin Shkreli acusa di copia y comparti album di Wu-Tang Clan cu ta unico di su tipo

(AP) - Inversionista Mericano Martin Shkreli ta enfrentando un demanda mantene y comparti grabacionnan di un album di nobo pa aparentemente bacionnan di un album di



Mas cu un prestamo...

Nos ta juda bo cumpli cu bo necesidad nan.

Aplica awe mes!

J.G. Emanstraat No. 96, 523-4848
De la Sallestraat No. 65, 583-4843
Rockefellerstraat No. 2, 583-5556
Tanki-Flip, Shaba No. 82, 583-4800

islandfinancearuba.com

*SUHETO NA APROBACION DI CREDITO I VERIFICACION DI DOCUMENTO.

island finance



Wu-Tang Clan cu ta unico di su tipo cu el a ser obliga bende despues di su condena den aña 2017 bao acusacionnan di fraude.

E demanda a ser treci dialuna pa colectivo di criptomoneda, PleasrDAO, cual a compra e unico copia di e album for di Shkreli pa 4.75 milyon dolar. E album, "Once Upon a Time is Shaolin," no a ser lansa pa publico, marcando e album como un piesa di arte contemporaneo desde cu el a ser subasta pa e grupo di hip-hop den 2015.

Den e demanda otorga na Brooklyn, New York, corte federal, PleasrDAO a acusa Shkreli di a haci y keda cu copiaan digital di e album den violacion di nan trato y di plama esaki entre su siguidonan di rednan social.

Nan ta señala na su comentarionan recien riba rednan social unda e ta papia tocante comrpti e grabacionnan digital cu "miles di persona." Durante e fin di siman, Shkreli a toca porcionnan di e album durante un livestream cu el a anfitrióna riba X, cual el a yama "Wu tang official listening party," segun e demanda.

Shkreli no a contesta peticion pa comentario.

E demanda ta marca e cam-

bio mas recien pa un album inusual crea den protesta na e era di streaming cu ta kita balor di musica, pero compra na un subasta na Shkreli, un hombre conoci pa aumenta e prijs di un medicamento cu por salba bida y su persona "Pharma Bro" online.

Shkreli despues a ser obliga bende e album, cual ta inclui un buki di 174 pagina lora den cuero, despues di su condena di fraude den seguridad.

PleasrDAO a bisa cu nan a compra e copia fisico di e album y derechonan digital den dos transaccion 2021 y 2024. Nan a bisa cu nan ta compronde cu Shkreli a destrui cualkier resto di e album su documentonan.

"Cualkier plamamento di e album su musica na e publico general ta disminui of grandemente destrui e album su balor y ta causa daño significativo na PleasrDAO su reputacion y habilidad di comercialmente explota e album," e demanda ta declara.

Desde luna pasa, e album tabata na caminda pa Australia su Museum of Old and New Art, cual a bisa cu e tin plan di anfitrióna sessionnan priva pa tende e musica cu cierto cancionnan di e album cuminsando e siman aki.



TARA LOUNGE
by Elements
RESTAURANT

SUNDAY BRUNCH

\$110 PER COUPLE | CHAMPAGNE INCLUDED
1:45 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3



NO CUMpra ADOPTA!

BONDIA
ARUBA

Aruba Convention Bureau ta gana “Best CVB/DMO International” na Smart Stars Awards 2024

Aruba Convention Bureau (ACB), bou di encargo di Aruba Tourism Authority (A.T.A.) orguyosamente ta logra premiacion di ‘Best CVB/DMO International’, esta ‘Best Convention & Visitors Bureau y Destination Management Organization’ na Smart Stars Awards 2024, organisa pa Smart Meetings Magazine. E reconocimiento prestigioso aki ta subraya e compromiso constante di Aruba Convention Bureau (ACB) pa promove Aruba como un destinacion atractivo pa reunion, biahe incentivo, conferencia, y exhibicion (MICE).

Smart Meetings, un publicador lider di e industria di



reunion, y e voz di inspiracion pa profesionalnan den e industria, anualmente ta invita socionan den e industria pa nomina y cumpli cu voto riba experiencia propio cu un Convention Bureau. Ta un honor di por anuncia oficialmente cu ACB ta wordo selecciona como e ganador absoluto di ‘Smart Stars Awards 2024’. Un resultado cu sigur

a trece cune un gran orguyo pa e ekipo di ACB.

E reconocimiento aki ta un testimonio di e dedicacion, pasion, y trabou duro estableci pa e team di ACB. E ta trece un gran satisfaccion pa mira cu e esfuerzo pa promove Aruba, y e compromiso pa sigui mehora continuamente, ta wordo reconoci interna-

cionalmente. Un logro cu ta refleha e espiritu di e ekipo di ACB pa continua na expande e conocimiento, comparti, y celebra tur logro.

Banda di e premiacion aki, Aruba ta logra konkista dos otro premio prestigioso di Smart Meetings:

- Aruba Marriott Resort & Stellaris Casino a wordo nombra como e “Best Beach Hotel.”

- Hilton Aruba Caribbean Resort & Casino a wordo premia como “Best Incentive Hotel.”

A.T.A. ta sumamente orguyoso di su ekipo di ACB, y ta felicita Aruba Marriott Resort & Stellaris Casino y Hilton Aruba Caribbean Resort

& Casino cu e premiacion. E logronan aki ta continua na posiciona Aruba como un destinacion atractivo pa biahe personal, como pa negoshi.

Tocante Aruba Convention Bureau

Aruba Convention Bureau (ACB) como parti di A.T.A. ta dedica na promove Aruba como un destinacion atractivo pa organisa reunion, biahe incentivo, conferencia, y exhibicion (MICE) na companianan internacional. Pa medio di socionan strategico y servicio di calidad mundial, ACB tin como meta pa atrae y sostene eventonan cu ta contribui na crecimiento y desaroyo economico pa Aruba.

Comunidad Filipino na Aruba ta celebra 126 aniversario di Independencia di Filipinas

No ta solamente un ocasion pa celebra pero tambe pa reflexiona riba e resiliencia y e spirito luchado di e pueblo Filipino



Diaranson 12 di juni, na Wilhelmina Park, a tuma luga e ceremonia di e 126 aniversario di Independencia di Filipinas y e di 21 aña cu a hisa e bandera di Filipinas na Aruba. E aña aki e celebracion di e dia di Independencia ta basa riba e tema ‘Kalayaan. Kinabukasan. Kasaysayan.’, cu ta representa e esencia di Libertad, Futuro y Historia di e soberania di e pais.

Consul di Filipinas na Aruba, señora Ami Henriquez-Mendez hunto cu e comunidad Filipino a celebra e fecha significativo aki cu un ceremonia festivo y colorido y un festival di cuminda reflehando e cultura y herencia di

Filipinas. Durante e ceremonia a interpreta e himno nacional di Filipinas, “Lupang Hinirang” (Patria Adora) y a hisa e bandera. Señora Ami Henriquez-Mendez durante un discurso conmovedor a dirigi su mes na su comunidad y na tur presente destacando e importancia di unidad y orguyo nacional.

“Awe no ta solamente un ocasion pa celebra, pero tambe pa reflexiona riba e resiliencia y e spirito luchado di e pueblo Filipino. Den nomber di mi persona y Gobierno di Aruba, mi ta extende mi mas sincero palabra di felicitacion na Consul di Filipinas señora Ami Henriquez-Mendez y na e comunidad Filipino na Aruba cu e celebracion

di Dia di Independencia di Filipinas. Aruba tin un comunidad grandi di Filipinas y a traves di e añanan nan a contribui hopi cu e econo-

mia di Aruba y pa esey nos semper ta agradecido. Mi ta desea e comunidad Filipino hopi exito y prosperidad y laga e conmemoracion sigui

inspira e generacionnan di presente y futuro pa balora y preserva nan independencia y patrimonio cultural”, Prome Minister a expresa.

Father's Day Special at
laguna

JUNE 16, 2024
5:30PM - 10:30pm

For reservations call +297 526 6612

Father's Day Special Menu

Landador transgenero Lia Thomas ta fracasa den reto pa reglanan prohibiendo e di participa den caredanan elite pa hende muhe



(AP) – Landador transgenero Lia Thomas a fracasa den su reto contra reglanan cu ta stop e di competi den caredanan elite di hende muhe pasobra huesnan a duna veredicto cu e no tin base pa presenta e caso.

Corte di Arbitrahe pa Sport (CAS) su panel di tres hues a rechasa e solicitud di Thomas pa arbitrahe cu e cuerpo gobernador di World Aquatics den un veredicto publica ayera.

World Aquatics a prohibi muhenan transgenero cu a pasa door di pubertad masculino di competi den caredanan di hende muhe. Tambe a crea un categoria “open” den cual atleta transgenero ta eligible.

Thomas a pidi e corte di sport na Suisa pa revoca e reglanan aproba na 2020 cu el a bisa ta invalido, ilegal y discriminatorio.

Thomas a landa pa Universidad di Pennsylvania y a gana un titulo NCAA den meets cu ta fuera di e sistema competitivo di World Aquatics, den cual e no tabata registra.

E cuerpo di landamento

mundial a argumenta den CAS cu Thomas no tabata un miembro di su federacion miembro USA Swimming ora a cuminsa cu e caso legal. Tampoco el a competi den eventonan femenino “cu proposito di clasificacion of seleccion” pa competencia di World Aquatics, manera Olimpiada of campeonato mundial.

“E panel ta conclui cu e no tin base pa reta e politica y rekisitonan operacional den e marco di e procedura actual,” e corte a bisa den su veredicto.

Na januari e veredicto a bisa, USA Swimming a otorga solicitud di Thomas pa “verificacion di identidad propio” como parti di su politica riba inclusion di atleta. E huesnan a bisa cu USA Swimming no tabatin autoridad “pa modifica un alcance asina di identificacion” di e reglanan di e cuerpo gobernante mundial.

World Aquatics a bisa cu ta ricibi di bon manera e decision di CAS den un caso cu “nos ta kere cu ta stap mayor bay dilanti den nos esfuerzonan pa protege deporte di hende muhe.”

Rusia ta organisa Weganan BRICS



(AP) — Miles di atleta den tanto deporte mayor como menos popular ta bay ta competiendo pa medaya den ciudad Ruso di Kazan na e di seis Weganan BRICS, un competencia internacional scureci pa politica memey di exclusion di Rusia for di eventonan deportivo mayor.

Apertura di e weganan tabata diaranson, un dia cu Rusia ta observa como su dia di independencia, subrayando e rol clave cu deporte tin den su identidad nacional.

Desde e invasion di full escala di Ucrania na februari 2022, Rusia ta exclui di e competencia internacional y asociacionnan deportivo; algun persona cu paspoort Ruso ta bay ta permiti pa competi como atleta neutral na Olimpiada di Paris cu ta cuminsa dia 26 di juli, pero nan resultadonan no ta bay ta credita pa Rusia.

Den e atmosfera aki, e Weganan BRICS ta un manera pa Rusia subraya su kehonan di prehuicio y trato desigual di Occidente y organisacionnan deportivo internacional.

“Nos pais semper a adheri na e principio cu deporte ta mas leu cu politica, pero constantemente ta hala nos den politica, pasobra nan ta compronde e importancia di deporte den bida di nos pueblo Ruso,” vice-prome minister Dmitry Chrnyschenko, oficial top di gobierno supervisando e weganan, a bisa na mei.

Oleg Matysin, kende tabata minister di Deporte Ruso te mita di mei, a bisa mientras tabata organisando e weganan cu no ta e intencion pa nan ta un substituto di Olimpica.



“Nos ta considera cu e Weganan Olimpico no tin alternativa,” el a bisa.

Pero hasta number di e weganan ta carga un connotacion alternativo fuerte. BRICS – inicialnan di Brazil, Rusia, India, China y Sur Africa – a evoluciona for di un grupo promoviendo inversion den un bloc geopolitico posicionando su mes como un contrapeso pa Nort America y Union Europeo. Awo tambe ta inclui Iran, Egipto, Ethiopia y Emirato Arabe Uni.

E weganan a tuma lugar cada aña desde 21017 na e pais cu tin e presidencia rotativo di BRICS y a varia ampliamente den e cantidad di deporte inclui. E prome competencia tabata na China y tabatin solamente volleyball, wushu y taolu.

Wushu, tambe conoci como kung fu, ta e termino Chines pa “arte marcial.” E tabatin un presencia den Weganan Asiatico desde 1990. Taolu ta involucra haci set y rutina coreografia cu ta muestra principianan di atake y defensa propio.

E iteracion Kazan ta esun di mas grandi y mas varia, cu

medaya den 27 sport. E eventonan ta varia desde lo familiar – incluyendo tennis, lucha y pesas – te sportnan niche y nascente.

Ta bay tin competencia den dos deporte “phygital” – futbol y basketball – cu ta combina enfrentamento fisico hunto cu wega riba pantaya. Un disciplina yama “rock ‘n roll acrobatico” tambe ta inclui, igual cu lucha y lucha di faha Koresh.

Organisadornan ta bisa cu nan ta spera como 4mil participante na e weganan cu ta dura te dia 23 di juni, pero e cantidad di pais representa ta elusivo. Website di e weganan ta bisa solamente cu mas di 60 pais tabata invita, pero ta lista 91 riba su tabel di medaya. Chernyschenko a bisa cu a ricibi participante di 97 pais.

Dos di esnan lista ta considera como un berdadero pais pa casi ningun persona – Abkhazia y Sur Ossetia, regionnan di Georgia cu a bin bao control Ruso den un guerra na 2008 y cu Moscu despues a reconoce como independiente. E lista di participante tambe ta inclui Republika Srpska, un estado constituyente di Bosnia-Herzegovina, un participante separa.

Nadal y Alcaraz ta bay hunga doubles hunto pa Spaña na Olimpiada di Paris



(AP) — Rafael Nadal y Carlos Alcaraz ta bay hunga doubles hunto pa Spaña na Olimpiada di Paris, segun federacion di tennis Spaño a bisa diaranson.

E anuncio ta yega tres dia despues cu Alcaraz, di 21 año di edad, a gana e French Open pa prome biaha - ganando su di tres trofeo Grand Slam.

E mesun canchanan usa pa e French Open cada año ta bay ricibi e tennis Olimpico. Nadal a gana e French Open un record di 14 biaha.

Alcaraz, kende ta bay hunga den su prome Olimpiada, ta considera ampliamente como e heredero di Nadal den tennis Spaño, y frecuentemente a comenta cu Nadal tabata e heroe di su infancia.

“Rafa y Carlos ta bay hunga hunto na Paris,” capitan di Spaña, David Ferrer a bisa mientras tabata anunciando e team.

Alcaraz a pone gana un medaya Olimpico pa Spaña como un di e metanan top di su carera. El a bisa despues di gana na Roland Garros cu e año aki e lo preferi un medaya di oro na



Olimpiada di Paris en bes di defende si titulo di Wimbledon exitosamente.

“E Weganan Olimpico ta cada cuatro año y ta un torneo special unda bo no ta djis hunga pa bo mes, pero pa un pais, representando tur Spaño,” Alcaraz, rango No. 2, a bisa. “Mi ta kere e año aki mi lo scoge oro Olimpico.”

Nadal, di 38 año di edad, kende tambe ta bay hunga singles, ya ta doño di dos medaya Olimpico den singles (2008) y doubles (2016 cu Marc Lopez) pa bay hunto cu su 22 titulo Grand Slam. Nadal, kende a perde den e prome ronda contra Alexander Zverev na Roland

Garros e año aki, a bisa cu esaki probablemente ta su ultimo año den tour despues di un serie di lesion.

E otro hungadornan Spaño den e team Olimpico masculino ta bay ta Pablo Carreño Busta, Alejandro Davidovich y Marcel Granollers.

Capitan Anabel Medina a scoge No. 55 Sara Sorribes Tormo y No. 67 Cristina Bucsa - e dos hungador Spaño di rango top - pa e team femenino, cu Paula Badosa decidiendo pa no competi, ya cu e tin apenas dos evento mas pa hunga mientras e ta usando su rango protegi.

UEFA ta priminti mas claridad pa fanatico y hungadornan riba decisionnan di referee na Euro 2024

(AP) — Claridad pa hungadornan y publico y cero tolerancia pa foul y disidencia - esey ta loke a encarga na refereeenan di Campeonato Europeo.

UEFA ya a anuncia luna pasa cu lo haci mas pa splica decisionnan na e teamnan, rekieriendo a cambio pa solamente capitannan acerca na e refereeenan pa discuti e decisionnan. Y esaki a keda enfatisa ayera na un sesion di informacion cu medianan di comunicacion tocante guianan pa referee pa Euro 2024, cu a tuma lugar na Allianz Arena na Munich, dos dia prome cu nacion anfitrión, Alemania, inicia e torneo na e mesun arena contra Escocia.

“Solamente e capitan ta bay acerca e referee, e otro hungadornan mester pensa tocante hunga. Esey t’e, cla,” managing director di refereeing pa UEFA, Roberto Rosetti a bisa.

UEFA a priminti cu e refereeenan ta bay purba duna e capitannan un splicacion di



incidentenan clave durante e partido, incluyendo loke a discuti cu VAR (revision di video). Cualquier compañero di team cu ignora e rol di su capitan y acerca e referee mustando cualquier señal di falta di respet of disidencia ta bay ricibi un

carchi geel.

Mientras tanto, fanaticonan ta bay haya un miho comprension di decisionnan VAR ya cu ta bay transmiti esakinan riba pantayanan gigante na stadion. “Esaki ta algo nobo. Mi ta kere

e ta hopi, hopi, hopi interesante,” Rosetti a bisa. “Pues nos kier duna, despues di opinion di VAR, un splicacion tecnico pa e publico. En bibo, simultaneamente, e experto di UEFA ta bay prepara e splicacion, un splicacion tecnico tocante kico

a pasa den e situacion specifico. Por ehemplo, revision riba cancha, e referee ta otorga un penalty pa un handball... splicacion tecnico: Alemania number nueve a toca e bala cu su man links cu tabata na un posicion no natural riba e schouder y haciendo su curpa mas grandi.”

Rosetti a reuni cu tur team participando den Euro 2024 y nan coachnan pa presenta e guianan di referee pa e torneo, incluyendo insisti cu cualquier tackle peligroso ta bay ricibi un castigo severo. “Un di e prioridadnan mas importante den guianan di referee ta protege e hungadornan,” Rosetti a bisa. “Pa protege e imagen di e wega, pero en particular pa protege e seguridad di e actornan principal di e weganan. Nos a mostra nan un par di clip cu nos ta pidiendo e refereeenan pa ta hopi fuerte den e sorto di situacionnan aki,” el a agrega. “Pues pa situacionnan asina nos a pidi e refereeenan pa tin cero tolerancia pasobra esaki ta algo cu nos no por acepta.”

Dicon Rusia, China y companianan di tecnologia grandi ta usa muhenan pa haya click

(AP) - Ora investigador di mal informacion Weng-Ping Liu a investiga China su esfuersonan pa influencia Taiwan su eleccionnan recién usando cuentanan di rednan social falso, algo inusual a resalta entre e cuentanan mas exitoso.

Nan tabata hende muhe, of por lo menos, esey ta loke nan tabata aparenta di ta. Perfilnan falso cu tabata bisa di ta muhe a ricibi mas interaccion, mas bista y mas influencia compara cu cuentanan cu tabata homber. “Perfil falso di hende muhe ta haya mas credibilidad,” Liu a bisa, ken ta un investigado di Taiwan su Ministerio di Husticia.

Sea cu ta companianan di propaganda Ruso of Chines, chatbot di AI of estafadornan online, bo ta mira mas exito si bo ta hende muhe, comprobando cu mientras tecnologia por crece mas y bira cada biaha mas sofisticada, e cerebro di ser humano ta keda sorprendentemente facil pa hack parcialmente a causa di stereotiponan cu a migra for di mundo real na esun virtual.

Hende tin hopi tempo ta asigna caracteristicanan di ser humano manera genero na obhetonan. Esaki ta duna sentido cu e caracteristicanan aki lo crea un perfil di red social falso of ta haci e chatbotnan mas atractivo. Sinembargo, preguntanan tocante con e tecnologianan aki por refleha y aplica stereotiponan di genero ta ricibiendo atencion mientras mas asistenti di bos y chatbot di AI ta drenta



e mercado, haciendo menos obvio e linea entre hende y mashin.

“Bo kier inyecta emocion y calor y un manera hopi facil pa haci esaki ta di scoge un muhe su cara y bo,” Sylvie Borau, un profesor di marketing y investigador online di Toulouse, Francia, ken su trabao a mira cu usuarianan ta prefera ‘botnan’ di hende muhe y ta mira nan mas como ser humano compara cu e versionnan “masculino.”

Hende tin e custumber di mira hende muhe como mas caluroso, menos menasante y mas dispuesto cu hende homber, Borau a conta The Associated Press. Hende homber, sinembargo, ta hopi biaha percibi como pas competente, aunke ta mas probabel di ta menasante of hostil. A causa di esaki, consciente of inconscientemente, mas persona ta dispuesto di interactua cu cuentanan falso cu ta presenta como hende muhe.

Ora cu Sam Altman di Ope-

nAI tabata buscando un bos nobo pa programa di ChatGPT di AI, el a acerca Scarlett Johansson, el a bisa cu Altman a conte cu e usuarianan lo haya su bos, cual tabata e bos di e asistent den e pelicula “Her”, “confortabel.” Johansson a rechasa Altman su peticion y a menasa di demanda ora cu e compania a haci uso di un version cu tabata “sumamente similar” na su bos. OpenAI a pone e bos nobo den pausa.

Potretnan di perfil femenino, particularmente cu hende muhe den vestuario poco cubri ta un otro manera di atrae hende homber online.

Usuarionan tambe ta trata botnan di manera diferente basa riba nan sexo persibi: Borau su investigacion a haya cu chatbotnan “femenino” ta hopi mas probabel di ricibi acoso sexual y menasa compara cu botnan “masculino.”

Perfilnan di hende muhe riba rednan social en averahe ta ricibi mas di 3 biaha e bistan-



an compara cu esun di hende homber, segun un analisis di mas di 40,000 perfil conduci pa AP di Cyabra, un agencia di tecnologia Israeli cu ta specialisa den deteccion di bot. Perfilnan di hende muhe hopi biaha ta pretende di ta mas hoben pa ricibi mas bista segun Cyabra.

“Crea un cuenta falso y presenta esaki como un hende muhe ta haci cu e cuenta ta ricibi mas audiencia compara cu presenta esaki como hende homber,” segun Cyabra su rapport.

E campana di influencia online crea pa nacionnan manera China y Rusia tin hopi tempo ta usa cuentanan di hende muhe pa plama propaganda y mal informacion. E campananan hopi biaha ta explota hende su bista di hende muhe. Algun ta aparenta di ta hende sabio, welanan cu ta comparti sabiduria mientras otronan ta imita hende hoben cu ta atractivo y emociona pa papia tocante politica cu hende homber.

Luna pasa, investigadornan di e agencia NewsGuard a haya centenares di cuentanan falso, algun cu potretnan di perfil genera pa AI, a ser usa pa critica e president Joe Biden. El a tuma luga despues cu algun sostenedor di Trump a cuminsa publica potret personal anunciando cu nan “no lo vota pa Joe Biden.”

Mientras varios di e publicacionnan ta autentico, mas di 700 a bini for di cuentanan falso. Mayoria di e perfilnan a bisa di ta hende muhe hoben bibando na estadonan di Illinois of Florida, un di nomber PatriotGal480. Sinembargo varios cuenta a usa lenguahe practicamente identico y potretnan di perfil cu a ser genera pa AI of horta for di otro usuarianan. Y mientras nan no por a bisa sigur ken ta operando e cuentanan falso, nan a haya decenas cu conexion na nacionnan incluyendo Rusia y China.

X a kita e cuentanan despues cu NewsGuard a contacta e plataforma.

Elon Musk ta retira demanda contra OpenAI sin splicacion

(AP) - Elon Musk a retira su demanda contra OpenAI net prome cu e audiencia pa trata e caso.

Musk den februari a demanda e compania di inteligencia na San Francisco y su CEO Sam Altman a causa di loke e ta yama un traicion di ChatGPT su metanan ora di ser funda cual ta di beneficia e humanidad na luga di busca ganashi.

Den e demanda entrega den februari na San Francisco Superior Court, bionario Musk a bisa cu ora el a sostene OpenAI su creacion, el a sigura un acuerdo cu Altman



y Greg Brockman, e president, pa mantene compania

como uno sin fines di lucro cu lo desaroya tecnologia pa e bienestar publico y mantene su codigo habri na luga di proteha esaki pa ganashi priva.

Sinembargo, pa medio di acepta un relacion di cerca cu Microsoft, OpenAI y su ehecutivonan top a ignora e pacto aki y ta “dañando” e compania su mision, Musk a acusa den e demanda.

Mayoria experto legal a bisa cu Musk su acusacionnan, centra contra e acusacionnan di kiebro di contract, kiebro di responsabilidad fiduciario y practicanan di negoshi in-

husto, ta hopi probabel di mira exito den corte. Musk su abogadonan a entrega un nota pa retira henter e caso. No a duna ningun splicacion pa dicon



Accidente pa falta di preferencia na e crusada Hendrikstraat cu J.G. Emanstraat


Diamars mainta a drenta informe di un accidente na e crusada di Hendrikstraat cu J.G. Emanstraat banda di Corte, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un auto di huur biniendo for di Hendrikstraat no a para pa duna preferencia na e truck biniendo for di pabao den J.G.



Emanstraat y e auto di huur a bay dal riba e truck. Aunke e impacto tabata fuerte afor-

tunadamente ningun hende a resulta herida.



Na Santa cruz recherche a para un auto sospechoso y a detene 2

Diamars atardi recherche nan di Santa Cruz a para un auto sospechoso pa zuid di Taco Bell na Santa Cruz pa un control.

Haciendo e control den e auto a bin haya droga y un arma di candela. Eynan mes a detene e 2 personanan den e auto y a confisca e vehiculo tambe.



Polis a logra captura sospechoso busca pa husticia



Diamars atardi durante patruya banda di Pri-kichi den Nieuwstraat polis a logra topa cu un sospechoso busca pa hus-

ticia, mesora cu tactica a acerc'e y a detene.

Mesora a pidi pa e vehiculo di transporte pa asina hib'e

na oficina di recherche di distrito 1 (Oranjestad) na Wayaca unda eynan lo mester atende algun asunto pendiente cu'ne.

Polis a para y boet un chauffeur cu a comete un infraccion na Vondellaan



Diamars mainta durante patruya den Vondellaan un oficial di e brigada motorisa a nota un chauffeur cometiendo

un infraccion y a par'e mesora.

Polis a atende pa su infraccion y a dun'e un boet!

Chauffeur a bin dal riba palo di lus y tambe un troncon di Kwihi riba L.G. Smith blvd



Diamars madruga a drenta informe di un accidente cu hende herida y pega den auto dilanti di Crown na L.G. Smith blvd., mesora a dirigi tanto polis como ambulans y e ekipo di rescate di bombero na e sitio.

Na yegada di e patruya a bin compronde cu e chauffeur di e Infinity Q50S a bay banda robes di caminda dal riba un palo di lus y un troncon di kwihi, e chauffeur tabata inconsciente. Na yegada di e ambulans nan a nota cu e chauffeur tabata pega den e

auto. Na yegada di e ekipo di rescate di bombero a cuminsa corta e auto pa asina libera e chauffeur.

Unabes libera e personal di ambulans a atende e victima y a transporte pa hospital.

Menasa y bringamento na pia di trabao a termina cu retiro inmediato di e empleado

Diamars mainta a drenta informe di un caso di bringamento na un supermercado na Montaña, mesora a dirigi varios patruya na e sitio.

Na yegada di e unidad K9, polis di Noord y strand a bin compronde cu aki ta trata di un empleado cu a bini furioso awe cu cabes duro masha agresivo cu a baha su furia riba un otro persona. Mirando cu e menasa mes a tuma lugar mas tempran polis a bisa e victima cu e por pasa



na oficina di recherche. Pa loke ta e empleado ela ser kita "op staande voet" y pa e mo-

tibo ey a keda cana rond den e lugar pero polis presente te ora cu ela bay.



Na Primavera un muhe a menasa di pega e auto di e homber na candela



Den oranan di anochi a drenta informe di cu un muhe a menasa di kima e auto di e homber na Primavera, mesora a dirigi un patruya na e sitio.

Na yegada di e patruya a bin

compronde cu aki ta trata di un problema di pareha unda e muhe no a gusta locual e homber a haci y di rabia e muhe a menasa di kima e auto. Polis a intermedia den e asunto.

Turista a cay kibra enkel cu electric step na Eagle Beach dilanti La Quinta



Diamars mainta a drenta informe di cu un turista lo a cay kibra su enkel dilanti La Quinta na Eagle Beach, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un dama turista coriendo un electric step drentando e parkinglot pa Eagle Beach dilanti La Quinta lo a trompica dal abao. Na yegada di ambulans a bin resulta cu el a kibra su enkel, nan a atende y a transporte pa hospital.

Like
us on
Facebook
facebook.com/bondianoticia

E formulario di declaracion di inkomstenbelasting 2023 a sali

E fecha oficial di otorgamento ta 9 di augustus 2024

Den e dianan nos dilanti, e contribuyentenan cu ta registra pa inkomstenbelasting lo bay ricibi nan formulario di declaracion di inkomstenbelasting di aña 2023 via post manera custumber.

Fecha oficial
E fecha oficial di otorgamento ta 9 di augustus 2024. Pa ley e contribuyentenan ta haya 2 luna di tempo pa yena y entrega e formulario mencion; pues e ultimo dia pa entrega esaki ta dia 9 di october 2024.

Extension di termino
Banda di e termino legal di 2 luna, Departamento di Impuesto ta duna automatica-



mente 2 luna mas di tempo pa por entrega e declaracion.

E fecha final pa e clientenan cu kier haci uzo di e 2 luna extra ta 9 di december 2024. No tin mester di haci un peticion oficial pa haci uzo di e extension ("uitstel").

Prepara documento
Departamento di Impuesto ta recomenda pa prepara tur documento necesario relaciona cu entrada y gasto di


aña 2023 por ehempel: salario anual, pensioen di trabou, pensioen di biehes, pensioen di viudo of huerfano, entrada di huur di propiedad, entrada di 'side-jobs', carta di interes di banco y/of otro instancia, seguro di bida, comprobante di donacionnan haci, comprobante di gastonan di scol di yiu cu ta studia den exterior etc.



















E clientenan cu tin un empresa propio (eenmanszaak), tambe mester prepara nan relato anual di aña 2023. Den caso cu e cliente mes no por traha e relato anual aki, ta





recomendabel pa busca un consehero cu conocimiento adecua di e materia di impuesto.

Obligacion legal
Yena y entrega e formulario ta un obligacion legal. Door di yena y entrega e formulario na tempo, e cliente ta evita cu e ta haya un cobranza (taxativo) cu boet.

Ademas pa medio di e declaracion, e cliente ta haya e oportunidad pa haci uzo di su derecho di deduci su gastonan.

Resultado Sorteo Juni 12			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0615	6733	7790	1881
4667	6756	SUPER5	1904
6070	4000	-	7759

MERDIA		ANOCHI	
			10-12-23-26-34
Sorteo # 4294	Sorteo # 8266	Sorteo # 2500	Joker 31 Letter F
9846	1007	0 x Jackpot	Proximo Jackpot
7144	0892	0 x Match 4+	775.000,-
1334	5158	28 x Match 4	
		916 x Afl. 12,00	
FP	FP		01-06-08-14-29
		Sorteo # 6500	Proximo Jackpot
Sorteo # 4294	Sorteo # 7310	0 x Jackpot	68.000,-
1686	7965	5 x Match 4	
		173 x Afl 8,00	
X2	X2		
			
Sorteo # 2350	Sorteo # 2015		
1044	9421		
			
Sorteo # 4294	Sorteo # 6069		
4428	7770		
Aries	Virgo		
			
Sorteo # 1168	Sorteo # 999		
293	446		
			
X2	X2		

	
Sorteo #	Mega Ball
0 x Jackpot	Proximo Jackpot
0 x match 4	270.000,-
0 x Afl. 500,00	
0 x Afl 50.00	
0 x Afl.15,00	
	Afl. 370.000,-
	
Sorteo #	
	

Celebracion di San Antonio di Padua



Den Number di Pastor Stanislaw y comision San Antonio di Pro-Cathedral San Francisco ta invita tur parokianonan, devotonan y pueblo di Aruba pa celebracion di San Antonio

di Padua.
E celebracion ta bay tuma luga diahuebs 13 juni 2024 pa 7 pm a Pro-Cathedral San Francisco.

SUDOKU

To play sudoku, use logic to fill the empty squares so that each row, each column and each 3x3 box contains the numbers 1-9 only once. Puzzle difficulty increases from Monday to Sunday.

King Classic Sudoku


7		9		2		8		
		1			5		2	9
2	8	6			3	5	1	
8			3					
5	6	3		1	7			
1		4		9				3
				6				
	1			3	9			8
9			8	7	4		6	

Answer to previous puzzle

2	3	6	5	4	8	9	7	1
4	8	5	1	7	9	3	2	6
9	1	7	6	2	3	4	8	5
1	5	3	8	9	6	2	4	7
7	9	4	3	1	2	5	6	8
6	2	8	7	5	4	1	3	9
8	6	1	4	3	5	7	9	2
3	7	9	2	6	1	8	5	4
5	4	2	9	8	7	6	1	3

Difficulty: ★★★

6/13



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Sta. Anna Seroe Preto
Tel. 586 8181 Tel. 584 4833
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour &
Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Lo 'currywurst' haya mas fanatico na Euro 2024?

(AP) - 'Currywurst' ta considera un delicadesa den Alemania y e cuminda perfecto prome cu un wega.

UEFA a confirma cu fanaticonan di futbol di henter Europa lo haya e invento aki ofreci na stadionnan den henter e pais durante e Campeonato Europeo cu ta cuminsa riba diabierna.

E soseishi di porco cu sauce di curry ariba usualmente ta presenta den un platter di carton cu dos forki di plastic. E por ser duna cu of sin cuero na e fanaticonan cu lo a desaroja nan propio preferencia pa fin di e torneo di un luna.

Mientras su origennan ta discuti, 'currywurst' tin un luga special den cultura di cuminda di Berlin.

"Nos ciudad ta di currywurst, y mi ta pensa nos ciudad no por biba sin currywurst. Ken cu ta cu bin Berlin mester purga currywurst pa sa di kico e ciudad ta trata," Linda Konnopke, ken ta yuda mancha su famia su restaurant popular den e capital Aleman.

Su bisawelonan Max y Charlotte Konnopke a cuminsa bende soseishi den ana 1930, y e negoshi familiar desde e tempo aki a bira un institucion famoso pa su currywurst, cual Gunter Konnopke, nan yiu homber, a introduci na parti oost di Berlin na 1960. E tabata un hit inmediato. E receta te ainda ta proteha como un secreto di famia.

"Nos hit ta currywurst sin e cuero. Esey ta loke nos ta bende mas," Linda Konnopke a bisa.

Currywurst usualmente ta corta den porcionnan chikito. Ta basha ketchup y puiro di curry, sinembargo algun, manera Konnopke, ta usa nan propio sauce di curry specifico.



Berlin a yama su mes e "capital di currywurst" riba un placa na honor pa Heuwer unda el a bende su prome

currywurst, sinembargo tin rivalnan cu ta bisa e ta bin for di Hamburg y Ruhr.

Pronostico di tempo

Tempo:

Awe tardi y awe nochi: parcialmente nubia cu un awa-sero pasahero

Den marduga y mañan: parcialmente nubia cu un awa-sero localmente

Temperatura maximo 33
grado Celsius

Temperatura minimo 28
grado Celsius

Indice di calor (heat index)
den y rond di oranan di mer-
dia: 34 pa 40 grado Celsius
Uv index: 12

Bahada di solo : 7:05pm

Subida di solo : 6:14am

Biento:

Moderate te basta fuerte for di direccion generalmente oost; forsa 4 te 5 (20 te 39 km/ora, 11 te 21 nudo). Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo:
Humedad persistente laga atras pa un ola tropical lo por induci localmente algun awacero breve den oranan di marduga y mainta di dia-



huebs.

Mas aleu por bisa cu stof di sahara den concentracion varia lo stroba visibilidad un poco y produci aire di calidad abou. Personanan cu tin problemanan respiratorio mester tene esaki na cuenta.

Condicionnan maritimo/ estado di lama:

Na partinan protegi di costa: keto, rond di 1 pia.

Na partinan zuid: tranquil te modera, entre 2 pa 3 pia.

Na partinan oost te noord-west di costa: modera te localmente poco bruto cu olanan alrededor di 6 pa 7, localmente 8 pia.

TA BUSCA

Cellular y Accessories Master
ta busca

Cell Phone Technician

Por yama

Tel. 742 7704

Paradera 40-C

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita,
laga tur locual cu mi encontra na caminda ta bunita
laga tur locual cu mi laga atras keda bunita y laga
esakinan termina den tur bunitesa.

Cu dolor na nos curason, nos ta anuncia fayecimiento di nos ser stima:



Aura Solognier-Delany
*27-06-1937 - †02-06-2024

Su casa: †Theodoor Solognier

Yiu: Dennis Solognier y famia

Yiu di ciansa: Marc Derrick

Nieta: Pamela Solognier

Rumannan:
†Margaretha Croes-Delany y famia
Miriam Geerman-Delany y famia
Thomas (Tom) Delany y famia
†Clarence Delany y famia

Tur su sobrino- y sobrinanan, Ihanan, comer- y compernan.

Machinita y grupo di oracion: Fé Speranza Amor
Miembro nan di cata comenares
Tur su bon amiga nan di cas, su bon bisiñanan

Famia na Corsow: Henriquez, Balentin y Bratwaith.

Demas famianan: Delany, Solognier, Henriquez, Croes, Geerman, Lampe, Wever, Lopez, Haynes, van der Biezen, Quandt, den Hertog, Green, Hassel, Hernandez, Koolman, Loopstok, Angela, Malmberg, Lejuez, Peterson, Halley, Whathy

Ta invita pa acto di entierro cual lo tuma lugar diabierna 14 di juni 2024 na Misa Inmaculada Concepcion na Sta Cruz di 2or pa 4or di atardi

Despues lo sali pa Santana Catolico na Sta Cruz.
Nos disculpa si den nos tristesa nos por a lubida algun famia of conocir.

Despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23

A bay drumi den braza di Señor



Daniel Werleman
mihor conoci como “djiek”
*21-07-1937 – †10-06-2024

Na nombre di su

Esposa: Dominica “ShonCa” Werleman

Yiu di criansa mas stima:
Jorge “Wincho” y esposa Rufina Geerman-Kelly y yiu
Narcisa Geerman y yiu
Candido Geerman y yiu
Lourdes Geerman y yiu
Sra. Vda. Imelda Geerman y yiu

Manera nietonan:
Winson Geerman
Emilio Geerman

Mayornan:
†Bibiano “Panchico” y †Angelica Werleman Croes

Rumannan:
†Bernardina y esposo †Benoit Solognier-Werleman y famia
†Simplicio Werleman
†Juanita y esposo †Policarpo Leest-Werleman y famia
†Rufina y esposo †Alejandro Geerman-Werleman y famia
Francisca Werleman y famia
Stefanita Werleman y famia
Ciro y esposa Crescencia Werleman-Tromp
Japi y esposa Osmelia Werleman-Madiedo Garcia
Mai y esposa †Croes-Werleman y famia

Swa y cuñanan:
Laura Werleman y famia
Simplicio Werleman y famia
Ambrosio Werleman y famia
Juliana Werleman y famia
Rigoberta Werleman y famia

Sobrino mas stima:
Pablo “Papi” Geerman

Iha:
Mario Werleman

Amigo di cas:
Beltran Ras

Sobrino y sobrinanan, primo y primanan, famianan:
Werleman, Geerman, Kelly, Wever, Croes, Solognier, Leest, Tromp, Madiedo Garcia y demas famia ta invita tur amigo, bisiña y conocirnan pa asisti na e acto di entierro cual lo tuma lugar diasabra 15 di juni pa 2 or na Misa Inmaculada Concepcion na Santa Cruz y despues lo sali bay pa Santana na Santa Cruz.

Nos disculpa si den nos tristesa nos por a lubida algun miembro di famia of amigo.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunitesa.
Cado Wever.

Cu inmenso dolor na nos curason, nos ta anuncia fayecimiento inespera di:



Jarick Patrick Steven Farro
*17 oktober 1992 †24 mei 2024

Den number di su:

Pareha di bida: Shanelly de La Cruz Medina
Mama cu ela stima: Jacky Feliciano
Tata: Patrick Steven Farro

Cacho stima: Benjamin (Bencho)

Rumannan: Jenneline Farro y Josh Silva
Joselyn Farro y David Puriel

Sobrino y subrinanan cu ta su adoracion:
Jedion y Jedelyn Farro
Jendrick Lacle
Jeremiah y Jack Silva

Welo y welanan:
Cerilia de Cuba
†Editha Farro
†Sixto Feliciano y Sra viuda Stella Feliciano Weller

Cuñan:
Estefania de la Cruz Medina y Alejandro Peguero Serrata

Tanta y Omonan:
Sharlyn y Joe Fields-Feliciano
Milly Feliciano
Stephen y Sue Feliciano Giel
†Jan Hendrick Tromp y Sra.vda. Miriam Tromp Imbago
Valentina Tromp, su tanta stima
Rieke Tjong
Perry Tjong
†Jerry Rasmijn y Sra.vda. Cecilia Rasmijn-Santos
†Moira Rasmijn
Michella Rasmijn
Sharine Rasmijn

Demas primo y primanan, tur su amigo- y amiganan demasiado pa menciona tur, ex coleganan

Y demás famia: Farro, Feliciano, de La Cruz Medina, Filiciana, Silva, Puriel, Lacle, de Cuba, Paalman, Weller, Fields, Giel, Imbago, Tromp, Tjong, Wever, Rasmijn, Tjon A Jong, Webb, Leon, Santos, v/d Biezen, Jones, Eckmeyer, Leung, Paesch, Petrochi, Gomez, Quandus, Peguero Serrata y Vega.

Ta invita demás famia, amigo y conocirnan pa asisti na e acto di entierro cu lo tuma lugar, Diasabra 15 di juni, 2024 for di 11:30 di mainta Jarick lo ta reposa na Royal Funeral Home y for di 2or pa 4or Jarick lo ta reposa den misa Santa Ana na Noord, y después pa santana na Sabana Basora.

Dia di condolencia: Diabierne 14 di Juni, 2024 for di 7.00pm pa 9.00pm na su cas, Hooiberg # 14-D (Bright Bakery bin zuid)

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



Nos ta anuncia fayecimento inesperadamente di:

Robert Francis Nieuw

Mihor conoci como: :Bob”
*29-01-1948 - †10-06-2024

Na number di su:

Yiunan:

Pamela van Gelderen-Nieuw y esposo Harry van Gelderen
Melanie Nieuw y pareha Stephan Koppes

Nietonan: Amber y Richard van Gelderen

Rumannan:

†Philip Nieuw
Sophia Weenink-Nieuw
Elaine Lamme-Nieuw
Angeline Curiel-Nieuw
†Claudette Nieuw
Arthur Nieuw

Swa y cuñanan:

Carmen Nieuw-Casper
Hans Weenink
Dirk Lamme
George Curiel

Dispensa nos si den nos tristeza nos por a lubida un of otro persona

Ta invita pa e acto di despedida cu lo tuma lugar diabierna 13 di juni 2024 di 9:00 pa 11:00 am na Aurora Funeral Home. Acto di cremacion lo tuma lugar den seno di familia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

I’ve lived a full life
I traveled each and every highway
and more, much more than this
I did it my way



Nos ta anuncia fayecimento di:

Yolanda Eline Leslie-Dieffenthaler

*23-12-1954 - †07-06-2024

Na number di su:

Esposo: Franklyn Leslie

Yiunan: Trevor y Donovan Leslie

Amiganan: Irene Robles de Medina, Magriet Geerman, Rodetta Noordwijk,

Demas familia: Leslie, Dieffenthaler, van Eer y demas ex-coleganan di ETAO y Fundacion Respeta Mi y tur otro amigo- y conocirnan.

Dispensa nos si den nos tristeza nos por a lubida un of otro persona.

Ta invita pa e acto di despedida cu lo tuma lugar diabierna 13 di juni 2024 di 2:00 pa 4:00 pm na Royal Funeral Home. Acto di cremacion lo tuma lugar den seno di familia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mira con Dios a salba mi,
Tur mi confiansa ta den djE,
Mi n’ tin miedo:
Señor Dios ta mi forsa, mi refugio.
E mes t’Esun cu a salba mi.

Isaías 12:2



Cu inmenso dolor na nos curazon,
Pero conforme Dios su boluntad nos ta anuncia fayecimento di nos ser stima:

Sara Bertilde Rodriguez

*10-05-1945 †08-06-2024

Na number di su Yiunan:

Alexandra y Floyd Fransman-Tromp
Jennifer y Richard Dijkhoff-Tromp

Nietonan stima:

Shawn Tromp y Celina Mimié
Laslo Fransman

Rumannan:

Norberto Rodriguez y familia
Eccehomo Rodriguez y familia
Blanca Eli Tellez-Rodriguez y familia
William Rodriguez y familia
Nancy Rodriguez y familia
Ricardo Rodriguez y familia

Subrinonan stima:

Norberto “Nuno” y Juliana Tromp y familia
Shelley y Irwin Arendsz-Rodriguez y familia
Martha Pinzón y familia
Y demas subrino y subrinanan na Colombia, Peru y Canada

Famianan cerca:

†Alfredo Tromp
†Joaquin Tromp y vda. Carmen Tromp y familia
†Carlos A. Tromp y vda. Medarda Tromp y familia
†Mirlanda Tromp y familia
Itala Danjo-Tromp y familia
Carole Tromp y familia
Baron y Judith Tromp y familia
Carlos S. Tromp y familia
Milton Tromp y familia
Ted Tromp y familia
†Norman Tromp y familia
Vince Tromp y familia
Stefanita Petrocchi y familia

Consuegra: vda. Filomena Dijkhoff- Laclé y familia

Demas familia:

Rodriguez, Acuña, Bernal, Tromp, Fransman, Dijkhoff, Tellez, Pinzón, Arendsz, Pavolini, Laclé, Kock, Ceballos, Petrocchi, Croes, Danjo.

Amigonan di cas stima:

Bienvenida y Jose Lopez y familia
Gloria y Nestor Dijkhoff y familia
Doris Salcedo y familia
Raquel Guanipa y familia
Natasha Pak y Frances Croes y familia
Carmen Hurtado y familia
Flora Petronilia

Gradicimento special na:

Personal y boluntarianan di Fundacion “Hospice Atardi”
Praktijk dr. A. Wever y personal
Staff y personal di Stichting “Cas di Machi”
Cristina Gonzales y familia, Leydie, Cathy y Irena

Nos disculpa si den nos tristeza nos por a lubida un of otro familia of amistad.

Ta invita tur familia, amigo y bisiñanan pa compañía nos na e acto di despedida cu lo tuma lugar na Aurora Funeral Home, diabierna 14 di Juni 2024 di 2:00 pm pa 4:00 pm. Cremacion lo tuma lugar den seno familiar.

Despues di despedida nos no por ricibi bishita di condolencia na cas.
Preferibel bini bisti na colornan alegre.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

¡Dios es mi salvación!
Confiaré en él y no temeré.
El Señor es mi fuerza,
el Señor es mi canción;
¡él es mi salvación!».

Cu inmenso dolor na nos curazon nos kier anuncia fayecimento di:



Carmen Ivelisse Cornelio Pineda De Angel

Cariñosamente yama: “Mamita” of “Boyo”
*20-03-1962 - †07-06-2024

Na number di su:

Yuinan :

José Humberto Cornelio
Ramón Porfirio de los santos Cornelio
Angelina Angel de Rodriguez Beltre

Swa:

Starlin. Javier, Rodriguez Beltre

Nietonan:

Ramón de los santos
Abigaíl de los santos
Abismael de los santos
Ashwayne.S.D, Rodriguez Beltre
Rowayne .S,Rodriguez Beltre
Dereck Xavier Cornelio

Rumanan:

Dancy Cornelio Pineda
María Luisa Cornelio
Franklin Rafael Cornelio
Yndira Pineda
Ricardo Rafael Cornelio

Sobrinos nan:

Dancing Paola Heredia
Patricia Candelina Santana Cornelio
Adeonis Rafael Santana Cornelio
Mónica Quezada Cornelio.

Amigos y conocirnan: Rodri, Fior, Martha, Marisol, Idalia, Wilson, Ramona, Yaha, Kathy, Deyanira, Davia, Zulimar.

Demas Famia: Bienvenido, Juan Carlos, Gavina, Juan Carlos JR (Carlitos), David.

Oportunidad pa condolencia lo ta Diabierna 14 juni 2024 di 7or pa 9or di anochi na Pray Funeral Home na San Nicolaas.

Entiero lo tuma lugar Diasabra 15 juni 2024 pa 3:30 di atardi na Santana Central na Sabana Basora.

Nos ta lamenta cu despues di entiero nos lo no ricibi bishita di condolencia na cas.

Presidente Frances ta defende decision riba eleccion legislativo adelanta, urgiendo votadornan pa derota e ultraderecha

(AP)—Presidente Frances Emmanuel Macron a defende su decision pa yama pa un eleccion parlamentario adelanta despues cu su partido a perde den e voto parlamentario Europeo, insistiendo ayera cu votadornan ultimamente ta scoge e “bloc progresivo” riba e banda ultraderecha.

Na Francia, eleccionnan legislativo ta dicidi e formacion di parlamento, no e ocupante di e posicion presidencial. Macron tin un mandato presidencial te cu 2027, y a bisa cu e no retira prome cu su termino caba.


E lider Frances a bisa cu su decision pa yama pa votamento adelanta—e eleccion lo tuma luga durante dos ronda, dia 30 di juni y 7 di juli—a muestra su “confiansa” den e pueblo Frances. El a urgi politiconan modera for di e banda isquierda y derecha pa reuni cu su mesun aliansa centrista pa derota e banda ultraderecha.

“Mi ta pensa hende Frances ta inteligente, nan ta mira loke ta pasando, kico ta coherente y kico no, y nan sa kico pa haci,” Macron a bisa. El a agrega: “Mi no ta kere mes cu e cos mas pio por pasa. Mi ta un optimista incansable.”

E presidente a adresa votadornan Frances den su prome conferencia di prensa desde su decision diadomingo pa disolve e Asamblea Nacional, e camara mas abao di e parlamento Frances, despues cu e partido ultraderechista National Rally di Marine Le Pen a triunfa na e votacion pa parlamento Europeo.

Macron a busca pa adresa preocupacionnan pa esnan cu ta preocupa cu e decision riesgoso por resulta den un gobierno ultraderechista pa prome biaha desde e Segunda Guerra Mundial. Desde diadomingo anochi, grupo di hende a reuni tur dia na Paris y den e resto di e pais pa protesta contra e National Rally.

Macron tabata firme den su fe den e votadornan pa nenga di scoge e extremonan di ambos banda di e spectrum politico. El a sigura cu e no tabata cayendo den derotismo y a bisa cu e lo sirbi su segunda termino presidencial a pesar di e



resultado di e voto legislativo.

Macron a bisa cu su decision ta “tocante permitiendo forsanan politico scogi pa hende Frances goberna.” El a agrega cu “ta straño pa pensa cu e mester ta sea e derecha extremo of extremonan politico. Of kisas bo tin e spirito di derotismo plama tur caminda.”

“Si esey ta loke hende tin miedo di dje, awo ta tempo pa tuma accion,” el a bisa. Macron a hustifica su decision pa e hecho cu e no por ignora e realidad politico nobo despues cu su partido pro-Europeo a ser derota y a garna menos cu mita di e apoyo di e National Rally cu su lider, Jordan Bardella.

No manera den su adresnan nacional recién den cual Macron a enfoca riba e guerra di Rusia na Ucrania y e maneranan cu Europeo mester crea un politica di defensa comun, independiente for di e Merca, y implementa proteccion di comercio contra China, e presidente Frances a keda ocupa na su asuntonan interno di su pais faborisa pa e derecha aumentando, incluyendo reduciendo inmigracion, combatiendo crimen y separatismo Islamico na Francia.

Macron, ken ta den su segundo y ultimo termino presidencial, a bisa cu e ta spera cu votadornan lo traha hunto pa contene e ultraderecha den eleccionnan nacional den un

manera cu nan no a logra haci durante e eleccionnan Europeo.

El a haci un yamado riba “homer y muhe di bon disposicion pa bisa ‘no’ na extremonan na e banda isquierda y derecha pa uni hunto pa logra construi un proyecto conhunto” pa e pais.

“Cosnan ta simple awendia: nos tin un aliansa no natural na ambos extremo, cu no ta acorda riba nada cu e excepcion di trabao pa comparti, y cu no lo por implementa ningun programa,” Macron a bisa.

Aunke ta parce cu e ta proyecta e tipo di entusiasmo cu a hib’e na e presidencial na

2017, analistanan ta bisa cu votadornan Frances ta mas pesimista tocante nan futuro, y ta mira Macron como un politico cu ta keda ignorante tocante bida real y problemanan financiero.

E presidente Frances ta reconoce algun fayto cometi pa su partido centrista pro-comercio mientras criticando algun conservativo cu a dicidi pa apoya e National Rally di Le Pen, cual tin un historia di racismo y xenofobia.

El a yama un aliansa forma pa partidonan di e banda isquierda como “inusual y incoherente” despues cu nan a inclui e partido ultraiskierdista Unbowed di Jean-Luc Mélenchon, ken Macron a bisa “a hustifica politica antisemitico” na comienso di e guerra entre Israel y Hamas.

“Nos no ta perfecto, nos no a haci tur cos bon, pero nos tin resultado...ademas, nos sa con pa actua,” Macron a bisa di su partido Renaissance, agregando cu e “ultraderecha (ta) e peligro principal” den e eleccion binidero.

Posible aliansanan y e sistema di votamento di dos ronda na Francia den eleccionnan nacional ta haci e resultado di votacion hopi incierto. Partidonan den oposicion di e banda isquierda y derecha ta purbando di forma aliansa y introduci candidato den e encuesta legislativo.

Mientras cu diferencianan skerpi entre partidonan ta keda riba tur dos banda di e spectrum politico, figuranan predominante yamando pa un union ta parce di tin un cos den comun: nan no kier coopera cu Macron.

A pesar di nan division, partidonan isquierdista a acorda di aluna pa forma un aliansa cu ta inclui e partidonan Greens, Socialistst, Communists y e ultraiskierdista France Unbowed.

Le Pen ta trahando pa consolida poder di e banda derecha den esfuerso pa traduci e triunfo Europeo den un victoria nacional y bin cerca na obtene poder. Ta anticipa cu su partido lo gana mayoria asiento Frances den e parlamento Europeo, posiblemente 30 di e 81 asiento di Francia.

Partido IFP di Sur Africa ta bisa cu e lo forma un gobierno uni, un stap dilanti pa kibra impasse

(AP)—E lider di e partido Inkatha Freedom Party na Sur Africa a bisa ayera cu e lo participa den un gobierno di unidad nacional, cual ta un stap dilanti pa kibra e impasse politico den e pais despues cu e African National Congress a perde su mayoria parlamentario den e eleccion luna pasa.

E anuncio di Velenkosini Hlabisa ta nifica cu un acuerdo entre algun partido grandi pa forma un gobierno coalicion cu e ANC lo ta mas probable prome cu e deadline diabierna, ora e parlamento nobo di Sur Africa no sinta pa prome biaha desde e eleccion di 29 di mei y purba eligi un presidente.

ANC ta un partido gobernante pa 30 aña desde e fin di e sistema di apartheid di un dominio di minoría blanco na 1994, pero a ricibi solamente 40 porciento di e voto den e eleccion. E ta keda e partido mas grandi pero mes-ter forma un acuerdo cu otro



pa goberna y reeligi presidente Cyril Ramaphosa pa un segundo y ultimo termino.

Sur Africanonan ta vota pa partidonan den eleccion nacional y nan ta haya asiento den parlamento segun nan pida di e voto. Despues legisladornan ta eligi e presidente di e pais mas industrialisa den e continente Africano.

ANC a propone formando un gobierno un unidad nacional siman pasa en bes di un coalicion mas chikito cu un of dos partido y a invita

tur 17 otro partido representa den parlamento pa ta parti di dje. Algun a nenga.

Hlabisa a conta reporteronan cu IFP tabata dispuesto pa participa den un gobierno uni cu ta inclui ANC e ta partido Democratic Alliance, e partido mas grandi den oposicion cu a ricibi e sgunda share mas grandi di e votacion.

IFP lo haci esaki “pa e bon di nos pais y un gobierno estable,” segun Hlabisa a bisa. E partido ta garna mayoria di su apoyo for di e grupo etnico



Zulu. E centrista Democratic Alliance a indica cu e tambe ta dispuesto pa participa den un gobierno di unidad pero no a haci un anuncio final mientras e ta organisando discusionnan cu ANC tocante e detayenan.

ANC, DA y IFP hunto lo tene un mayoria di asiento den parlamento. Dos otro partido grandi, e ultrasquidista Economic Freedom Fighters y e partido nobo MK Party di ex-presidente Jacob Zuma, a nenga di participa den e acuerdo di unidad. MK

a entrega documentonan fiscal pa stop e prome reunion di parlamento y a protesta e resultadonan di e eleccion, bisando cu tabatin irregularidadnan.

E comision electoral independiente di sur Africa a bisa cu tabatin problemanan logistico y a nota protestanan di varios partido, pero a anuncia e resultadonan oficialmente dia 2 di juni y a bisa cu e eleccion tabata liber y husto. Observadornan independiente tambe a declara esaki liber y husto.

Presidente Joe Biden ta enfrenta prome caso legal tocante abordoamento nobo riba asilo na frontera

(AP)—Un coalicion di gruponan di abogacia a lanta caso contra e administracion di Biden ayera tocante e directiva recien di e presidente cu efectivamente a para declaracionnan di asilo na e frontera cu Mexico, bisando cu e no ta diferencia hopi cu un movida similar durante e administracion di Trump cu a ser blokia pa corte.

E caso—entrega pa e American Civil Liberties Union y otronan den nomber di Las Americas Immigrant Advocacy Center y RAICES—ta e prome test di e legalidad di e abordoamento di Biden riba frontera, cual a bin algun luna despues di deliberacionnan interno na e White House y ta diseña parcialmente pa stroba atakenan politica contra e presidente riba su maneho di inmigracion.

“Por medio di implementa un prohibicion di asilo cu ta legalmente indistinguible for di e prohibicion di Trump cu nos a blokia, no a keda nin-



gun opcion cu entrega e caso aki,” segun Lee Gelernt, un abogado pa ACLU.

E orden cu Biden a suministra siman pasa lo limita procesamiento di asilo un bes cu encuentronan cu migrante entre wafnan di entrada yega 2,500 pa dia. Esaki a bay den efecto inmediatamente pasobra e ultimo cifranan tabata hopi mas halto, aproximadamente 4,000 diariamente.

E limitenan lo ta den efecto te cu dos siman despues cu e

cantidad di encuentronan diario ta na of menos cu 1,500 pa dia entre wafnan di entrada, bao un averahe di shete dia. Pero ta leu di ta cierto ki ora e cantidad lo cay asina abao; e ultimo biaha tabata na juli 2020 durante e pandemia.

E orden a bay den efecto dia 5 di juni, y oficialnan di e administracion di Biden a bisa cu nan ta anticipa nivelnan record di deportacion. Pero abogadornan ta argumenta cu pa suspende asilo pa migrantenan cu no yega na e

waf designa di entrada—cual e administracion di Biden ta purbando di pusha riba e inmigrantenan—ta viola ley di inmigracion federal existente, entre otro preocupacion.

Biden a invoca e mesun autoridad legal usa pa e administracion di Trump pa su prohibicion di asilo, cual ta bao di Seccion 212(f) di e Immigration and Nationality Act. E provision ta permiti un presidente pa limita entrada pa cierto migrante si nan entrada ta considera “detrimental” pa interes nacional.

Repetidamente Biden a critica politicanan di inmigracion di Trump mientras e ta campaña, y su administracion ta argumenta cu su directiva ta diferente pasobra e ta inclui varios excepcion pa motibonan humanitario. Por ehemplo, victimanan di traficacion humano, menor- nan no acompaña y esnan cu varios emergencia medico no lo cay victima na e limitenan.

“Nos ta para pa e legalidad di loke nos a haci,” Secre-

taria Alejandro Mayorkas di Homeland Security a bisa prome cu e caso a ser entrega, bisando cu el a anticipa desafionan legal. “Nos ta para pa e proposicion di balor.”

Bao di e directiva di Biden, migrante cu ta yega na e frontera pero no ta expresa un miedo pa debilbe na nan pais materno lo ser deporta inmediatamente for di Merca, dentro di algun dia of hasta ora. E migrantenan ey por enfrenta castigo cu por inclui un prohibicion di cinco aña pa drenta Merca atrobe of hasta persecucion criminal.

Mientras tanto, esnan cu ta expresa miedo of un intencion pa busca asilo lo ser evalua pa un agente di asilo Mericano pero na un standard mas halto cu ta ser usa actualmente. Si nan pasa e evaluacion, nan por persigui mas formanan limita di proteccion humanitario, incluyendo e Convention Against Torture di ONU, cual ta prohibi pa hende debilbe na pais materno unda nan por enfrenta tortura.